



Avion di American Airlines a confronta problema y mester a bolbe aeropuerto di Aruba



Pagina 2

- Introduccion di boet pa violacion di prijsnan den Canasta Basico premira pa 2026

Pagina 2

- Dicon bo por haya "griep" mas biaha den un aña

Pagina 7

- Bolivia y Chile a propone mehora relacion

Pagina 10

Preparacion pa bishita di Rey ta provoca discusion riba mantencion di caretera na Aruba



Pagina 4

Agresor morto despues di dal vehiculo den sinagogo na Michigan



Pagina 17

Mundo ta drentando un 'era scur' di abuso, segun experto di derecho humano di UN



Pagina 18


% TUI DEALS
AMSTERDAM
BIAHE IDA I BUELTA FOR DI
AWG 1485,-
pa persona

E preis menshoné ta un preis di komienso di un biahe ida i buelta pa persona ekskluyendo gastunan di reservashon, i ta reservá di kambionan di preis i eronan di imprenta.



Skén e QR-code pa e oferta aki

Avion di American Airlines a confronta problema y mester a bolbe Aeropuerto Internacional Reina Beatrix

Ayerá mediante un comunicado di prensa, Aruba Airport Authority a informa cu vuelo 870 di American Airlines actualmente ta bayendo back na Aeropuerto Internacional Reina Beatrix despues di su despegue, como un precaucion. Segun e comunicado, e avion tabata haci "fuel dumping" prome cu aterisahe, cu ta un procedura standard di seguridad.



E aeropuerto a activa un Standby Local, cu ta nifica cu serviccionan di emergencia ta den alerta como precaucion. Esaki no ta considera como

un emergencia, y e aeropuerto a keda habri y operacional.

Informacion no confirma cu a yega Redaccion di Bon Dia

Aruba ta indica cu e avion lo a haya problema cu su landing gear, esta su aparato pa aterisahe.

Algun ora despues, AAA a duna un update indicando cu e ora spera pa yegada di e avion tabata 4:12pm, y cu a activa un Emergencia Completo.

"Un emergencia completo ta nifica cu tur unidad di respu-esta di emergencia di aeropuerto (bombero y rescate, medico, operacion y agencianan di sosten) ta mobilisa y posiciona completamente den preparacion pa aterisahe di e avion como un medida di seguridad di precaucion," AAA a bisa den un declaracion.

Pa 4:43pm, AAA a informa cu e vuelo 870 di American Airlines a logra aterisa di manera safe na Aeropuerto Internacional Reina Beatrix, y a gradici tur team involucra pa nan coordinacion rapido.

Introduccion di boet y sancion pa violacion di prijsnan den Canasta Basico premira pa drenta na vigor na 2026

Despues di un trayecto largo di preparacion, minister di Finanzas, Asunto Economico y Sector Primario, mr. Geoffrey Wever a anuncia e introduccion di boet y sancion pa cada violacion di prijsnan stipula di productonan den e Canasta Basico.

E Canasta Basico a keda introduci pa regula e prijs di productonan basico cu consumidornan ta paga. Tur luna, Departamento di Asuntunan Economico ta publica e lista di e productonan di e canasta, cu tur demas producto kedando den man di e companianan pa pone prijs y sin intervencion di gobierno. Esaki ta nifica cu gobierno tin autoridad riba e prijs di e productonan aki so y como tal, tin e autoridad pa eherce control riba dje.

Via e aplicacion 'Control di Prijs', consumidornan por keda na altura di e prijsnan di tur producto regula y e prijs maximo cu esaki por ta. Atencion na e prijsnan aki ta di gran importancia pa motibo cu ta trata di productonan basico y di uso diario cu mester keda den prijs accesible pa pueblo, y hopi biaha esaki no ta e caso. Cu e conocimiento di e prijs cu e productonan mester ta, e consumidor mes ta tuma accion den e situacion pa medio di entrega keho ora di encontra prijs cu ta surpasa e limite maximo stipula pa gobierno.

Proteccion di consumidornan ta un topico cu den ultimo tempo ta hayando hopi atencion, mirando cu e situacion economico pa varios hogar y famia ta encontrando dificultadnan y cambio. Un tempo atras a publica den Bon Dia Aruba con e costo di bida na Aruba ta aumentando y bibrando un preocupacion creciente, cu Parlamentario Oduber treciendo dilanti cu un encuesta aña pasa a indica

cu 88% di e participantenan a bisa cu nan por a cumpra menos compara cu algun luna prome, y esaki ta un realidad cu ta persisti den pueblo su bida diario.

Sinembargo, aunke e prijs di e productonan den e Canasta Basico tin un limite stipula pa gobierno, toch ta encontra cu bendedornan y companianan unda e prijsnan ta surpasa e limite aki. Pa e motibo aki e implementacion di boet y sancion ta di gran importancia pa fortifica control di prijs di productonan di prome necesidad y asina garantisca cu consumidornan ta paga e prijsnan di productonan manera stipula pa gobierno.

E Canasta Basico - cu ta consisti di 1.399 producto di diferente marca, peso, contenido y paketo de prome necesidad - ta un instrumento di maneho esencial pa proteccion di consumidornan contra subimento di prijs internacional.

Segun informacion riba control di prijs, e averahe di violacion di prijs stipula pa negoshi den 2025 tabata 1,0 porciento. Di tur e control eherci den 2025, 1,2 porciento di e negoshinan controla a viola e prijsnan stipula y den 2025 a duna 126 advertencia por escrito ("schriftelijke waarschuwing").

Aunke tin control di prijs tur luna, ainda no tabata posibel pa duna boet of sancion na negoshinan ken su prijsnan ta den violacion di esun stipula pa productonan di e Canasta Basico.

Pa por implementa un maneho di boet y sancion, den november 2021 a trece e cambio necesario den e 'Prijsverordening' pero esaki no a drenta na vigor. Despues di un trayecto largo di preparacion, Consejo di Minister riba peticion di Minister

Geoffrey Wever a duna aprobacion na e concepto di e Landsbesluit Bestuurlijke Handhaving Prijsverordening. E siguiente paso ta pa pidi consejo na Raad van Advies riba esaki. Ta premira cu e introduccion di boet y sancion pa cada violacion di prijsnan stipula di productonan den e Canasta Basico lo drenta na vigor den e di dos kwartaal di 2026.

Cu introduccion di e Landsbesluit Bestuurlijke Handhaving Prijsverordening, Gabinete AVP-FUTURO ta transforma un set di regla riba papel pa un instrumento legal y real, pa duna boet y sancion pa tur cu no ta cumpli cu prijsnan stipula pa productonan den e Canasta Basico.

"Den maneho di proteccion di consumidor, duna boet y sanciona negoshinan cu no ta cumpli cu prijsnan stipula ta un paso historico den desaroyo economico di Aruba. E Canasta Basico ta keda un instrumento importante pa sigui duna proteccion na consumidornan y garantisca cu ora un consumidor cumpra un producto den e Canasta Basico, e consumidor ta paga e prijs manera stipula pa ley," minister Geoffrey Wever a declara.

E decreto aki ta introduci dos instrumento principal pa cumpli cu prijsnan stipula di productonan den e Canasta Basico cu lo ta bao maneho di Directie Economische Zaken, Handel en Industrie (DEZHI).

E prome instrumento ta un boet administrativo pa maximonan cu ta yega te na Afl. 25.000 pa groothandel y Afl. 12.500 pa kleinhandel pa cada violacion. E di dos instrumento ta un Orden di Castigo (Last onder dwangsom) cu ta un medida cu ta obliga e negoshi coregi un violacion of enfrente un castigo monetario cu



ta ripiti.

E introduccion di e cumplimento administrativo (bestuurlijke handhaving) ta representa un cambio significativo den con gobierno ta proteha esnan mas vulnerabel y cu menos recurso.

Anteriormente, e mecanismonan di cumplimento tabata limita, pero e decreto nobo aki ta duna gobierno e poder pa impone consecucionan directo, den forma di boet y sacion riba e negoshinan cu no ta tene nan mes na e regulacionnan di prijs pa productonan esencial.

E importancia di Canasta Basico ta uno cu no por ignora y ta haci un regulacion estricto cu ta sigura cumplimento di negoshinan algo indispensable pa e bienestar y estabilidad financiero continuo di pueblo. No por nenga cu e introduccion di hermentnan manera boet y sancion ta un paso grandi e importante den un bon direccion, pero supervision continuo ta keda e motor di e control cu mester keda constante riba cumplimento cu e prijsnan stipula.

Princess Casino sin cuenta bancario:

Corte ta enfatisa deber di cuido di banco, pero mester evalua cada cliente individualmente

Corte den Prome Instancia di Aruba a entrega tres sentencia cu ta envolvi Princess Leisure Aruba V.B.A. y tres banco local, enfatisando e tension entre e obligacionnan di maneho di riesgo di institutonan financiero y necesidad practico pa negoshinan haya acceso na e sistema bancario.

Den decisionnan emiti dia 5 di februari 2026, publica recientemente, corte a rechasa dos di e demandanan di e operador di casino pero a dicta parcialmente na su favor contra un otro banco, ordenando esaki pa haci un investigacion di diligencia debido di cliente.

E casonan a surgi despues cu Princess Leisure Aruba, parti di e grupo internacional di Princess cu ta opera casino, hotel y restaurantnan mundialmente, a purba di sigura un cuenta bancario local pa e casino. E casino a habri na juli 2025 bao di un areglo di cooperacion cu Natura Development N.V., cu ta posee e licencia emiti pa gobierno pa opera weganan di placa na e hotel.

A pesar di a habri su portanan pa clientenan, e compania a lucha pa haya un relacion bancario na Aruba. Peticionnan pa tres diferente banco local a keda rechasa den diferente fase, loke a pone cu Princess a busca orden di corte di emergencia cu ta obliga e banconan pa sea habri un cuenta of por lo menos haci e investigacion di cliente legalmente rekeri.

E disputa ta ilustra e retonan operacional cu companianan cu no por haya acceso na servicio bancario ta enfrente. Di acuerdo cu e registro di corte, Princess a argumenta cu sin un cuenta di banco local e tabata enfrente problemanan practico serio, incluyendo paga empleadonan y huur y cumpli cu obligacionnan di belasting. E compania a bisa cu e pagonan aki mester a ser haci den efectivo, cual el a describi como insigur y indeseabel pa un operacion di casino.

E casino ta ser opera pa Princess bao di un areglo contractual cu Natura, e doño di licencia oficial. Gobierno a otorga e licencia di casino na Natura na october 2023, loke ta rekeri pa e casino ser maneha pa un persona natural aproba pa minister di Husticia y cu cualkier acuerdo di operacion mester ser entrega pa aprobacion di gobierno.

Princess a habri e casino dia 26 di juli 2025 despues di a ricibi aprobacion di minister pa e operador di casino y confirmacion cu e contrato di casino entrega pa Natura no a lanta ningun obhecion.



No obstante, e falta di un cuenta di banco a bira un asunto urgente. Natura a informa Princess na december 2025 cu e no por sigui acepta pago di huur cash pa tempo indefini y a pidi e operador di casino pa transiciona pa transferencia bancario pa 31 di januari 2026.

E banconan a argumenta cu casinonan ta ser considera clientenan di riesgo halto pa motibo di e potencial pa labamento di placa y e volumennan grandi di placa cash cu ta tipicamente envolvi den nan operacionnan. Instancianan financiero na Aruba tambe ta mara na legislacion estricto contra labamento di placa cu ta exige un debido diligencia mehora pa clientenan di riesgo halto.

Caribbean Mercantile Bank a conduci un revision di diligencia debido mehora prome cu a nenga e peticion di cuenta. E banco a cita preocupacionnan incluyendo cobertura negativo di medianan di comunicacion cu ta envolvi e doño beneficiario final di e grupo, preguntanan tocante e estructura legal bao di cual Princess tabata opera e casino, y politicanan interno cu ta permiti cuentanan di casino solamente pa doñonan di licencia.

Aruba Bank a expresa preocupacionnan similar. Den correspondencia presenta na corte, e banco a señala cu casinonan ta ser considera como di riesgo halto pa regulador y banconan correspondiente y a argumenta cu acepta Princess como cliente por menasa su relacionnan cu banconan partner internacional. E la referi tambe na asuntonan di cumplimiento di pasado cu ta involucra un director anterior di Princess y acusacionnan publico conecta cu e doño di e grupo.

Otro factor cu e banconan a trece dilanti tabata encera alegacionnan historico tocante e doño beneficiario final di e grupo. Un revision di reputacion prepara pa e firma investigativo Kroll a analisa acusacionnan di labamento di placa y evasion di belasting di decadanan bieu liga na operacionnan di casino na Turkia durante añanan 1990. Sinembargo, e informe tambe a señala cu no tabatin

investigacionnan criminal actual of sancionnan contra e individuo.

Den tur tres caso corte a enfatisa cu banconan generalmente tin e libertad pa dicidi cu ken nan ta haci negoshi. Sinembargo, e libertad contractual ey no ta ilimita. Como cu banconan ta hunga un rol central den bida economico, nan tin un deber special di cuido pa cu tercer partidonan cu ta depende di servicio financiero pa participa den sociedad.

Corte a señal cu ta ampliamente reconoci cu opera un negoshi sin acceso na un cuenta di banco ta sumamente dificil. Na mesun momento, institutonan financiero mester cumpli cu reglanan contra labamento di placa y por nenga clientenan ora nan ta hustifica pa preocupacionnan di integridad of cumplimiento. E balansa entre e interesnan aki mester ser evalua riba un base di caso pa caso.

Den e caso contra Caribbean Mercantile Bank, corte a dicta cu e banco tin motibonan legitimo pa nenga Princess como cliente.

Hues a conclui cu e banco a conduci un proceso di diligencia debido mehora y a identifica varios riesgo di integridad potencial. Entre nan tabatin incertidumbre tocante si e areglo operacional entre Natura y Princess a ricibi aprobacion completo di minister y preguntanan tocante Princess su transparencia ora di duna informacion durante e proceso di aplicacion.

Corte a haya tambe cu Princess no a demostra convincentemente cu tur otro banco riba e isla definitivamente a nenga di habri un cuenta pa e compania. Evidencia a mostra cu Banco di Caribe a rechasa e peticion pero cu ainda Princess tabata sperando e resultado di un peticion pa reconsideracion, lagando habri e posibilidad cu ainda e compania lo por haya un relacion bancario otro caminda.

Corte a dicta cu e interes di e banco pa evita riesgonan potencial di integridad y reputacion a surpasa e interes di Princess pa obtene un cuenta. E demanda a ser rechasa y Princess a ser ordena pa paga e gastonan legal di e banco.

A yega na un conclusion casi identico den e demanda contra Aruba Bank. Corte a determina cu e banco a investiga Princess suficiente y no a haci un nengamento categorico ilegal.

Aruba Bank a pidi documentacion adicional di e operador di e casino, incluyendo prueba cu otro banconan a rechasa su aplicacionnan. Princess no a provee tur correspondencia pidi, loke e banco a interpreta como un

falta di transparencia y un potencial bandera cora.

Mas aleu corte a acepta cu e banco por a cuestiona rasonablemente e estructura huridico bao di cual e casino tabata ser opera, ya cu e documentonan di aprobacion di gobierno entrega no tabata confirma claramente cu e acuerdo di cooperacion entre Natura y Princess a ser aproba.

Hues a conclui cu Aruba Bank su interes pa preveni riesgonan di integridad y daño na reputacion a surpasa e necesidad inmediato di Princess pa un cuenta y a nenga e peticion pa obliga e banco habri un cuenta of haci un investigacion nobo.

E resultado tabata diferente den e caso contra RBC Royal Bank. Contrario na e otro banconan, RBC a nenga e peticion di cuenta mesora riba e base cu casinonan a cay pafo di su “apetit di riesgo,” sin prome haci un investigacion di cliente.

Corte a haya cu e nengamento general aki tabata inaceptabel ya cu ley ta rekeri banconan pa evalua cada cliente potencial individualmente y pa haci debido diligencia prome cu dicidi si mester establece un relacion.

Hues a dicta cu nenga henter un categoria di cliente sin investigacion ta igual na un exclusion categorico impermisibel. RBC a haya orden pa cuminsa cu un investigacion di cliente denter di dos dia di trabao despues di e sentencia y pa completa esaki dentro di seis siman despues di a ricibi e informacion rekeri for di Princess.

Sinembargo Corte a nenga di ordena RBC pa habri un cuenta bancario automaticamente despues di e investigacion. Hues a bisa cu tabata imposibel pa determina di antemano si por surgi motibonan legitimo pa nengamento durante e proceso di debido diligencia.

E decisionnan ta reafirma cu banconan ta retene discrecion significativa pa nenga clientenan ora ta hustifica pa preocupacionnan di integridad of regulacion. Na mesun momento, institutonan financiero no por depende solamente riba clasificacionnan di riesgo general pa nenga servicio; nan mester haci un investigacion apropiada den e circunstancianan di cada cliente potencial.

Mientras tanto, corte a señala cu e casino a logra sigui opera door di procesa algun pago a traves di companianan afilia den exterior y usando transaccionnan cash localmente, aunke e areglo ta leu di ta ideal pa un negoshi di su tamaño.

Coreccion:

Moneda conmemorativo “Trupial” no ta en conexion cu 40 aña di Status Aparte y 50 aña di Himno y Bandera

Bon Dia ta pidi un sincero disculpa na nos lectoran y Banco Central di Aruba (CBA) pa motibo cu den nos edicion di 12 di maart 2026, Bon Dia Aruba a publica un articulo titula “CBA ta lansa moneda conmemorativo pa marca celebracionnan nacional di Aruba” den cual ta in-

dica cu introduccion di e moneda conmemorativo di plata di 5 florin “Trupial” ta un moneda pa conmemora 40 aña di Status Aparte y 50 aña di Himno y Bandera. E informacion aki no ta corecto.

E informacion corecto ta: Banco Central di Aruba

(BCA) ta informa cu e moneda conmemorativo di plata di 5 Florin “Trupial” ta obtenibel desde 5 di maart 2026 na BCA. E Trupial ta un parha di color oranje-preto hopi yamativo cu ta biba na Aruba, Boneiro y Corsou. E Trupial tin un cabes, lomba y rabo preto, y su halanan tin pluma preto y blanco, pero e resto

di su curpa ta oranje briyante. E Trupial ta conoci no solamente pa su color hopi bunita, sino tambe pa su cantamento melodioso. Durante cantamento, e plumanan riba su garganta ta lanta, y su cantamento por wordo scucha henter dia. E Trupial ta considera un “pirata di neishi”. Na lugar di traha su mesun

neishi, e ta busca un neishi bashi of e ta ataca otro parha pa tuma over nan neishi.

Specificacion di e moneda: E ta un moneda di Plata (925/1000) cu un diameter di 38 mm, un peso di 25 gram, calidad proof y di un denominacion di 5 Florin cu un prijs di Afl. 230,00.

Preparacion pa bishita di Rey ta provoca discusion riba mantencion di caretera na Aruba

Den e ultimo dianan, varios ciudadano na Aruba a acudi na rednan social pa expresa nan frustracion tocante estado di diferente careteranan riba isla. E discusion a surgi despues cu algun residente a observa cu trabou di mantencion y reparacion ta ser haci riba cierto careteranan cu, segun nan, ta parti di e ruta cu Su Mahestad Rey Willem-Alexander lo pasa durante su bishita oficial na Aruba e luna aki.

Su Mahestad Rey Willem Alexander lo ta na Aruba pa participa den diferente actividad oficial relaciona cu celebracion di importante aniversario nacional, incluyendo 40 aña di Status Aparte y 50 aña di Himno y Bandera di Aruba. E bishita ta ser considera un evento importante pa isla, cu preparacionnan tumando lugar pa ricibi e monarca.

Sinembargo, riba Facebook, varios usuario ta bisa cu e rapidez cu cual algun caretera ta ser drecha awor ta crea pregunta entre ciudadano. Segun e comentario nan, careteranan cu e Rey lo pasa riba nan ta ricibi mantencion rapido, mientras hopi otro caretera riba isla, cu pa tempo largo ta den mal estado, ainda no a ser drecha.

Den varios grupo y pagina riba Facebook, residente ta comparti potret di buraco y careteranan kibra den nan bario. Pidiendo atencion di gobierno y DOW pa drecha e careteranan. Hopi

comentario ta expresa frustracion cu e problema aki no ta nobo.

“Nos ta kehando di e buraconan aki pa mas cu dos aña caba. Pero awor cu Rey ta bin, diripiente tur cos ta move lihe. Pero no na nos bario,” un usuario a comenta riba Facebook.

Otro residente a bisa cu e situacion ta muestra cu prioridad no semper ta basa riba necesidad di ciudadano. “Mi no tin nada contra Rey Willem-Alexander, pero careteranan mester ser drecha pa pueblo tur dia, no solamente ora tin bishita oficial,” e comentario a bisa.

Algun usuario tambe a señala cu tin caretera cu pa hopi tempo ta crea problema pa chauffeur. “Algun caretera e buraconan ta asina cu bo tin cu break y casi para completo pa no cay den buraco fuerte y dañá bo auto. Hopi hende a kibra suspension di auto caba. Pero pa esakinan niun hende ta move lihe,” un residente a skirbi.

Den e mesun discusionnan, algun usuario a menciona cu reparacion rapido di careteranan cerca di ruta oficial ta creando percepcion cu gobierno ta concentra riba apariencia y no ta brinda atencion na e necesidadnan real di pueblo. “Ta manera cu solamente unda Rey lo pasa ta ser drecha. Fuera di esey, hopi caretera ainda ta yena di buraco,” un usuario a indica.



No obstante, no tur reaccion riba Facebook ta negativo. Tin usuario cu ta bisa cu cualkier mehoracion di caretera ta positivo, sin importa e razon. “Si finalmente nan ta drecha algun caretera, esaki ta bon pa tur hende. Ohala nan sigui cu e mesun ritmo pa tur bario despues,” un residente a comenta.

E tema di mantencion di careteranan regularmente ta surgi den combersacion publico na Aruba, specialmente ora periodo di awasero empeora e condicion di asfalt y ta crea mas buraco.

Algun chauffeur a comparti cu e estado di careteranan ta afecta nan diariamente. Segun nan, reparacion di vehiculo ta bira un gasto extra pa hopi famia. “Shock y suspension ta kibra mas lihe door di e careteranan kibra. Esaki ta costa placa pa tur hende cu tin auto,” un usuario a comenta.

Varios usuario tambe a trece dilanti cu mayoria ciudadano ta paga impuesto di vehiculo, y mester haci esaki na tempo pasobra sino ta cobra boet si paga laat, pero a pesar di esaki toch tin mucho hopi caretera den mal estado. Nan ta cuestiona pakico nan ta paga impuesto si toch no ta drecha e careteranan.

Aunke gobierno a anuncia programa di mantencion di careteranan, percepcion entre algun ciudadano ta cu progreso no semper ta visibel den tur bario. Esaki ta contribui na frustracion cu ciudadanonan ta expresa a traves di rednan social.

Mientras tanto, preparacionnan pa e bishita di Rey Willem-Alexander ta sigui avansa, cu diferente institucion y organizacion coordinando actividadnan oficial cu lo tuma lugar durante su estadia na Aruba.

Pa hopi ciudadano, e discusion riba Facebook ta refleha algo mas amplio cu solamente un bishita oficial. Pa nan, e tema principal ta prioridad: con y unda mantencion di infraestructura ta ser implementa, y comunidad ta ricibi mesun nivel di atencion.

Mientras e combersacion online ta continua, residente ta sigui comparti experiencia y opinion tocante e condicion di careteranan riba isla. Y pa hopi hende, e mensahe ta cla: caretera bon no ta solamente importante ora tin bishita special, pero durante henter aña pa seguridad y bienestar di tur ciudadano.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager
Mariette Engelhart-Boekhoudt

Redaccion
noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Dilma Arends
Raisa Montilla
Oriana Geerman

Ehecutivo di Benta
Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte
Sandra Loefstop
Lisa Tromp

Departamento Digital
Juan Luis Pinto

Administracion
accounting@bondia.com

Martha Arteta de Ariza

Distribucion
Jenny Kelly

Coleccion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Martin Boekhoudt
Francis Dirksz

Colaboracion
Associated Press
Ret Karibense
Data Key

Afiliacion
Sociedad Interamerica
di Prensa (SIP)

DIRECCION
Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



SOLUCIONNAN CU INNOVACION PA ARUBA

AI pa Pueblo | Parti 4 AI: Pa Tur Hende

Na Aruba nos ta orguyoso di bisa cu nos ta un comunidad. Nos yuda otro. Nos ta cuida otro. Nos ta wak pa e bieue na porta di nos bario, pa e yiunan di nos bario cu ta subi bus pa scol. Esaki ta nos forza — nos conexion humano. Pero awe, tin un forza nobo cu ta yega rapido, y si nos no tuma accion awor, e lo pasa laga nos comunidad atras.

E forza ey ta yama Inteligencia Artificial — AI.

Comunidad Prome: AI ta Empodera Pueblo

E imagen di AI ta frecuentemente uno di tecnologia pa e rico, pa e universitario, pa e hende cu tin tur cos caba. Pero esaki ta un mentira grandi. AI na su mes no ta pa un grupito so — e ta pa tur hende. E pregunta real ta: kende lo ta e prome pa siña usa e hermentanan aki?

Nos ta wak famia cu ta lucha pa yega fin di luna. Nos ta wak trahadornan cu ta wak nan trabao cambia. Nos ta wak muchanan di scol cu mester preparacion pa un futuro cu ainda nos no sa exactamente con esaki lo ta. Si AI keda den man di un grupo chikito di hende privilegia, e boom economico di tecnologia lo crea un forma nobo di desigualdad. Pero den contexto di nos democracia y conocimiento, si nos duna tur Arubiano acceso igual — e mesun tecnologia di AI por bira un herment di liberacion.

Comunidad ta na centro di nos vision. Arubiano ta cuida otro. Alfabetisacion di AI ta e caminda pa sigura cu tur residente di Aruba por participa,



contribui, y prospera den e economia digital.

Alfabetisacion di AI = empoderamento economico

Laga mi ta directo: e hende cu comprende AI lo gana mas placa. Lo haya miho trabao. Lo por cuminsa negoshi nobo.

Imagina un bendedor na Playa cu ta usa AI pa analisa su inventario y sa exactamente ki producto ta vende mehor na ki dia. Imagina un mama cu ta haci artesanía, usando AI pa traduci su catalogo na Ingles y Spaño y vende online na turista rond di henter mundo. Imagina un hoben cu ta siña prompt engineering y ofrece su servicio como freelancer internacional — sin mester laga Aruba.

Esaki no ta fantasia. Esaki ta realidad pa miyones di hende riba mundo awe — hende cu a haya acceso na e cono-

mento corecto na e momento corecto. E unico diferencia entre nan y nos ta oportunidad. Y oportunidad ta algo cu nos por crea nos mes.

Seguridad Digital y Pensamiento Critico

Pero AI tambe ta trece peligro. Deepfakes — videonan falso cu ta parece real. Mensahenan di estafa (“scam messages”) cu ta usa AI pa sona exactamente como bo miembro di famia. Desinformacion cu ta plama mas lihe cu awa den un baranca.

Alfabetisacion di AI no ta solamente sa con pa usa ChatGPT, e ta ta tambe sa con reconoce un mensahe falso, sa con proteha bo negoshi contra fraude digital, sa con evalua si un noticia ta berdadero of fabrica. Nos democracia, nos institucionnan, ta depende di ciudadanonan cu por pensa criticamente den e era digital.

Un Yamado na Accion: AI Skills Center na diferente lugar na Aruba

Momento a yega. Nos mester un Centro di Habilidadnan di AI aki na diferente ubicacion na Aruba. Optimalmente un na San Nicolas, un na Playa, y un na Noord — lugarnan cla, accessible, y gratis pa nos comunidad. Un lugar caminda hoben, empresario, desempleado, y welo por sinta y siña AI hunto. Un lugar caminda AI no ta algo intimidante, sino un herment practico pa bida diario.

Mi persona ta papiando cu varios stakeholders y lidernan den comunidad cu ta cla pa lidera e caminda aki. Pero nos mester bo voz. Bo apoyo. Bo presencia.

Si bo ta kere cu ningun Arubiano mester keda atras — uni cu nos. E futuro di AI na Aruba ta wordo skirbi awor. Laga nos skirbi e historia hunto.

10P1 BUSINESS COACHING

CU SIMON WASLANDER BSc. MSc.

“Innovation, AI & Algemene Consultancy pa Business”

Phone Number
+297-744-886

simonwaslander@gmail.com

Wings of Hope di Aruba Airport Authority N.V. orguyosamente a aporta na Korrektie Instituut Aruba (KIA)

Wings of Hope (WoH) di Aruba Airport Authority N.V. (AAA) orguyosamente a partner cu Korrektie Instituut Aruba (KIA) pa e proyecto di WoH tocante reintegracion social.

Na aña 2025, Wings of Hope di AAA a inicia su colaboracion cu KIA pa medio di un proyecto di reintegracion den comunidad pa su clientenan. E team di maneho di KIA y e team di WoH tabatin diferente reunion pa identifica y discuti e necesidadnan y e limitacionnan actual na e facilidad di KIA. Durante e reunionnan aki, e areanan di enfoka a inclui renobacion di e facilidadnan incluyendo areanan di personal, siñamento y desaroyo a traves di e compra di Microsoft License, cursonan basico riba varios topico di interes cu ta consisti di teoria como practico, tur pa stimula e siñamento bou di nan clientenan. E colaboracion a inclui tambe un donacion di meubleria pa uzo di nan oficinanan.

Riba diaranson, 4 di maart 2026, Wings of Hope a entre-



ga oficialmente un total di 80 galon di verf y kit di verf incluyendo roller, cuashi y baki pa verf na e team di KIA pa yuda nan provee un facilidad cu un aspecto nobo y fresco. E team di KIA conhuntamente cu nan clientenan lo enfoca riba verf e facilidadnan di nobo como un manera pa curasha tambe e habilidadnan basico di verfmento na un manera practico pa posibel oportunidadnan den futuro den comunidad.

“Nos di Korrektie Instituut Aruba (KIA) kier gradici Wings of Hope sinceramente pa e donacion generoso di e

materialnan di verf pa e trabounan paden di e facilidad. Nan aporte ta haci posibel pa mehora nos espacionan y crea un ambiente mas agradable pa tur esnan cu ta keda y traha aki. Nos ta aprecia inmesamente e participacion y sosten di Wings of Hope”, asina Charles Danker, Hefe di Servicionan di Facilidad, a expresa.

“E esfuersonan conhunto aki ta refleha un compromiso comparti pa stimula siñamento y progreso dentro di nos comunidad local y e compromiso continuo di aeropuerto cu e Metanan di

Desaroyo Sostenibel di Nacionnan Uni. Pa medio di e colaboracionnan aki, AAA ta sigui contribui strategicamente, involucra y curasha otro stakeholdernan pa haci mescos y sostene comunidad en general”, asina Angeline Flemming, Director di Health and Sustainability di AAA y lider di Wings of Hope, a expresa.

Tocante Aeropuerto di Aruba AUA Airport ta un di e aeropuertonan mas ocupa den region Caribe, cu mas di 24 diferente aerolinea operando na Aruba contribuyendo na mas cu 3.2 miyon pasahero

pa aña y brindando servicio aereo na 31 pais y 45 destinacion non-stop rond mundo. Di e mercadonan cu AUA Airport ta brinda servicio na dje, 73% ta di Merca y Canada, 18% ta di Latino America, 4% ta di Europa y 5% ta di Caribe Hulandes. AUA Airport ta reconoce cu esaki ta danki na un economia stabiel, clima politico, hospitalidad, poblacion diversifica y siguridad general di nos isla. AUA Airport su aspiracion ta pa converti den un di e aeropuertonan mas sostenibel, sigur y prepara pa futuro den e region di Latino America y Caribe, brindando un espacio laboral confiabel, cu e instalacionnan moderno y ademas cu un excelente servicio n’e cliente p’asina por refleha e hospitalidad di Aruba, contribuyendo na un futuro prospero pa Aruba.

Haya sa mas di loke ta sosode na AUA Airport door di bishita www.airportaruba.com y conecta cu AUA Airport riba [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaairport](https://instagram.com/arubaairport), [TikTok.com/@arubaairport](https://tiktok.com/@arubaairport) y [Linkedin.com/ArubaAirport](https://linkedin.com/ArubaAirport).

Comision di Finanzas di Parlamento a reuni cu CAft

Diabierna, 27 di februari 2026, e Vaste Commissie Financiën, Overheidsorganisatie, Cultuur en Sport (CFOCS) di Parlamento di Aruba, bao presidencia di parlamentario Shailiny Tromp Lee, a tene un reunion impor-

tante cu e College Aruba financieel toezicht (CAft).

E encuentro aki tabatin un caracter particular debi na e cambio di mando den e colegio di supervision. Tabata e prome biaha cu e presidente nobo di CAft, Sr. Hooger-



vorst, den su funcion nobo a reuni cu Staten. Alabes Hulanda tin un representante nobo kende ta Sr. Hilbers. Hunto cu Sr. Agunbero cu ta representante di Aruba den CAft nan ta forma e colegio di supervision.

“Como Presidente di e comision, mi a resalta cu e reunion aki ta fungi como un dialogo habri cu sigur por yuda nos como miembro nan di Staten den nos trabao di control,” parlamentario Tromp Lee a bisa den un comunicado di prensa. “E in-

tercambio di informacion aki ta crucial pa Parlamento por eherce su funcion di supervision riba e maneho financiero di nos pais.”

Durante e reunion a trata temanan strategico manera: Overheidsfinanciën: E estado actual di e caha di Gobierno. Rijkswet houdbare overheidsfinanciën (RHOF): cual por bisa cu ainda no tin consensus den sala di parlamento pa cu esaki.

Deelnemingen- en dividendbeleid: E maneho rond di

companianan estatal y nan contribucion, cu ainda Parlamento mester trata cu Gobierno.

Governance: E transparencia y integridad den e structuranan di decision. Un punto hopi importante y crucial.

“Como parlamentario nos mester sigui monitoria e desaroyonan aki, garantizando cu e decisionnan tuma ta na bienestar di e estabilidad economico y financiero di Aruba.”



STATEN VAN ARUBA

OPENBARE BIJENKOMST OP 16 MAART 2026 OM 9:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Presentatie United Nations Office for Service Project (UNOPS) inzake nieuwe penitentiaire inrichting te Barcadera

De Griffier,
mr.drs. Herman Ch. J. Hek

AWE

MINI MEGA

MEGA PLUS

Awo cu 2 florin mas, bo por gana e

*** Afl. 460.000,-**

*** Afl. 320.000,- + Afl. 140.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

LOTO

Virusan respiratorio ta keda circula

Dicon bo por haya “griep” mas biaha den un aña

Den boca di pueblo, ora un persona tin sintomanan respiratorio manera nanishi ta core, dolor di garganta of kisas keintura, hopi biaha nos ta bisa simplemente: “mi tin griep.” Pero den realidad, kico ta causa loke nos ta yama griep?

E termino “griep”, manera cu pueblo ta bisa, ta mas bien un manera general pa referi na presencia di sintomanan respiratorio. E sintomanan aki por ser ocasiona pa diferente tipo di virus. Entre esunnan mas comun tin influenza, parainfluenza, RSV (Respiratory Syncytial Virus), rhinovirus, y tambe COVID-19. Esaki ta e motibo pakico un

persona por haya griep mas cu un biaha den e mesun aña. Durante aña, diferente virus respiratorio ta circula den comunidad, y cada un di nan por causa sintomanan similar.

Riba e pregunta si COVID ainda ta existi, e contesta ta si.

COVID ainda ta presente y ta causa sintomanan di griep cerca esnan cu bin den contacto cu e virus, mescos cu e otro virusnan respiratorio. Awor aki, COVID ta wordo considera como un virus respiratorio mas den e grupo cu ta ocasiona sintoma di “griep”.

Pa e motibo ey, test pa COVID no ta wordo haci mas

manera antes pero solamente riba indicacion, pero a traves di DVG su sistema di vigilancia cu ta monitor presencia di malesanan circulando na Aruba COVID su presencia ainda ta wordo detecta.

E recomendacion pa personanan den grupo di riesgo, manera adulto mayor di 60 aña y esnan cu enfermedad of condicionnan di salud ta sigui igual. Pa nan proteha nan mes contra influenza y COVID door di vacuna. Consulta cu bo dokter di cas si bo tin duda, pasobra e virusnan aki ta sigui causa internacion den hospital y complicacion serio principalmente cerca esnan cu un salud fragil.



Persona na Haarlem aresta pa disfrasa di boticario pa horta pildonan pa dolor

(NLTimes) - Polis a aresta un muhe cu a imita un boticario y a horta medicamento, primeramente for di esnan di edad avansa. El a horta e pildo pa dolor adictivo oxycodone, segun NH Nieuws a reporta.

E emisora a haya informacion di e muhe ora cu el a ripara cu residentenan di Haarlem ta advertiendo otro tocante su persona online.

Nan a bisa cu e ta bishita hende na nan cas, bisando cu e ta empleado di botica y cu tabatin pildonan contamina den circulacion. E tabata presenta pa colecta e medicamento contamina y botica lo reemplasa esaki pronto. E tabata bay cu e pildo y e victimanan tabata descubri e estafa ora cu nan tabata yama e botica pa haya informacion tocante e reemplaso.

Estafa di polis falso tambe ta



birando mas comun cada biaha, pero esaki ta prome biaha cu polis di Haarlem a enkontra nan mes cu un boticario falso, vocero a conta NH. “Nos no a mira nada manera esaki den añanan reciente,” e vocero a splica.

Polis a ricibi 6 reportahe di e muhe y a arest’e recientemente. “Esaki ta tocante problemanan di adiccion. E tabata den custodia y desde e tempo aki a keda laga den lib-

ertad. E lo ta ricibiendo sosten lo mas pronto posible.” Polis ta kere cu e muhe a actua su so.

Boticanan di Haarlem a publica un advertencia na su clientenan tocante e tipo di estafa aki. “Nos nunca ta bay bati bo porta sin un notificacion prome. Nos semper ta yama prome. Si bo tin cualkier duda, e miho manera ta yama nos prome,” vocero di un botica a conta e emisora.

Fundacion na Hulanda ta entrega mocion pa obliga Chemours para emision di PFAS

(NLTimes) - E fundacion PFAS Vrij Green Claim ta preparando un demanda nobo contra fabricante kimico Chemours na Dordrecht di parti di residentenan den bisindario.

E grupo ta pidiendo corte duna orden na e compania di para emision di PFAS inmediatamente y pa otorga compensacion na e residentnena pa loke e ta yama “daño na nan ambiente di bida.” E ac-

cion aki ta cubri e personanan bibando den municipionan den Zuid-Holland, particularmente cerca di Dordrecht. PFAS Vrij lo convoca Chemours dilanti un corte civil.

“Nos ta respondiendo na un necesidad sinti pa varios hende di tuma accionan mes,” presidente Ben Knappe a comenta. “Nos no kier warda pa gobiernonan of pa Ministerio Publico (OM) tuma accion. Te cu awo, Chemours no ta

spanta pa nada. Esaki ta haci bay corte e paso mas obvio.”

Knappe a agrega cu disposicion global tocante e peligranan di PFAS ta aumentando, pero a bisa cu e situacion na Drechtsteden ta keda “un desgracia.”

E fabricante kimico Chemours a enfrente critica ripiti pa emision di PFAS, un grupo di kimico cu ta asocia cu varios riesgo di salud, incluy-

endo cancer.

Den 2023, abogado Benedicte Ficq a entrega un keho criminal na OM di parti di alrededor di 2.400 residente, acusando e compania di emiti 3 substancia. Fiscalnan a habri un investigacion criminal mas adelante e aña ey, cual tambe ta considera si ehecutivonan for di Chemours y su predecesor DuPont por ta personalmente responsable.

E gastonan binidero legal pa PFAS Vrij lo ta financia pa financiador di litigacion Winward. Presidente Ben Knappe a bisa cu sosten ta necesario pa duna e fundacion suficiente capacidad financiero.

E residente di Dordrecht ta anticipa cu e caso, na momento cu entrega esaki, lo bira un bataya legal largo y complejo.

Gobierno di Corsou ta plania programa di registracion y legalisacion pa migrantenan cuminsando 1 di mei

(Curacaochronicle) – Gobierno di Corsou ta plania pa lansa un programa di registracion y legalisacion pa migrantenan sin documento cuminsando dia 1 di mei, como parti di un iniciativa temporal yama “Rib’e Luga.”

E programa lo aplica pa personanan cu a drenta e isla prome cu 20 di october di aña pasa y cu actualmente no tin permiso di residencia of permiso di trabao.

Segun un stimacion inicial, mas o menos 7,000 persona sin documento ta spera pa



registra pa e programa ora el cuminsa.

E iniciativa lo ser implementa den dos fase. Prome, migrantenan sin documento lo ser registra, despues di cual nan situacion individual lo ser

evalua pa determina si nan ta califica pa legalisacion.

Ministerio di Husticia di Corsou a enfatisa cu e programa ta destina como un medida temporal. E detaye legal, administrativo y op-

eracional di e proceso ainda ta den fase final di preparacion.

E ministerio ta trahando hunto cu ministerio di Desaroyo Social, Labor y Bienestar pa desaroya e programa y coordina su implementacion.

Minister di Husticia Shalten Hato a bisa cu e plan ya a ser presenta na varios stakeholder y cu pronto un pagina di informacion dedica lo ser lansa pa guia participantenan den e proceso.

Autoridadnan tambe a adverti cu informacion oficial tocante rekisito y procedemento di e programa lo ser pu-

blica solamente via canalnan oficial di gobierno. E ministerio a alerta cu informacion cu ta circula via otro fuente por crea expectativa ireal.

Pa awo, e ministerio di Husticia a bisa cu no ta necesario pa hende bishita e departamento di Inmigracion y Naturalisacion pa pidi informacion adicional.

Un conferencia di prensa ta programa pa 26 di maart, ora e ministerionan di Husticia y SOAW, hunto cu organisacionnan socio, lo duna mas detaye riba e programa “Rib’e Luga” y con su implementacion lo tuma luga.

Minister di Corsou ta participa den Comision di Nacionnan Uni riba status di Hende Muher na New York

(Curacaochronicle) – Minister di ministerio di Desaroyo Social, Labor y Bienestar, Charetti America-Francisca, ta parti di e delegacion di Reino Hulandes cu ta asistiendo na e reunion anual di United Nations Commission on the Status of Women na New York e siman aki.

E reunion ta marca e di 70 sesion di e Comision riba status di hende muher (CSW), cu ta tuma luga na sede di Nacionnan Uni y lo continua te 15 di maart.



E cumbre di e aña aki ta enfoca riba mehora acceso na husticia pa muhernan y muchanan muher rond mundo. Discusionnan ta centra riba re-

forsa sistemanan legal husto, trata leyman discriminatorio y elimina bareranan structural cu ta impedi muhernan y muchanan muher haya ac-

ceso na husticia y derechonan igual.

E reunion internacional ta reuni gobiernonan, organisacionnan di Nacionnan Uni y gruponan di sociedad civil pa evalua r progreso global riba igualdad di genero y derecho di muher, mientras cu tambe ta identifica areanan unda mas accion ta necesario.

Delegacion di Reino Hulandes ta inclui ministernan di Corsou y Sint Maarten, embahador Hulandes pa derecho di muher y igualdad di

genero, e secretario di estado pa Educacion y Emancipacion, y representante permanente di Reino na Nacionnan Uni. Representantenan di hoben y miembronan di organisacionnan no-gubernamental tambe ta participa.

Mediante participacion di representantenan di tur parti di Reino, e delegacion tin como meta contribui na dialogo internacional riba politica y iniciativa cu ta promove igualdad di genero y reforsa derecho di muhernan y muchanan muher.

Persecucion di botonan cu droga rond Sint Maarten sin frontera

Wardacosta Caribe Hulandes hunto cu Wardacosta di Saint Martin a firma un tratado cu ta duna autorisacion pa persigui botonan sospechoso

di traficacion di droga den awanan teritorial di otro. E tratado a ser firma diamars ultimo entre Reino Hulandes y Francia.

E tratado cu a firma ta ehecuto e tratado di San José cu tin como meta pa fortalece e cooperacion den e region di Caribe den e lucha contra di traficacion di droga. E tratado cu a firma ta elimina varios restriccio operacion cu tabata tin na momento cu tin operacion pa intercepta boto cu ta transporta droga rond di Sint Maarten y Saint Martin.

Sint Maarten y Saint Martin ta ser usa pa malhechornan como un ruta di transito pa droga for di Sur America pa Nort America y Europa.

P’esey un cooperacion mas intensivo y transparente ta esencial. E regulacion mas aleu ta aclara e condicionnan pa persecucion door di Wardacosta di Caribe Hulandes den e awanan teritorial di



Sint Maarten y Saint Martin. E uso di violencia ta keda exclui durante e operacionnan aki. E tratado ta contene tambe disposicionnan tecnico y operacional pa loke ta trata ehecucion di e actividadnan aki.

Prome minister Luc Merceлина di Sint Maarten a firma e tratado den nomber di Reino Hulandes. Na nomber di

Francia, el a wordo firma pa e Minister pa Teritorionan Frances Ultramar, Naïma Moutchou.

Francia ta un partner importante di Reino Hulandes. E tratado aki ta un paso significativo den atende criminalidad transfronteriso y ta di un interes mutuo.

ONDER CURATELE STELLING

Bij beschikking van 9 maart 2026 behorende bij AUA 202502675 EJ van het Gerecht in Eerste Aanleg van Aruba, is onder curatele gesteld dhr. Ronaldo Pedro Wout, geboren op 19 oktober 1946 in Aruba.

Benoemd als curator is zijn broer, dhr. Julian Wout, geboren en wonende in Aruba.

De curator,

dhr. Julian Wout

Ladron di arte cu a horta pinturanan di Van Gogh y Frans Hals gara despues di huy for di prison na januari

(NLTimes) - Polis a aresta un fugitivo di 63 aña cu a huy for di prison na januari ora el a ser permiti pa biaha for di e prison na Nieuwegein pa un unidad di seguridad abao di un otro prison riba su mes. Segun e periodista di crimen Mick van Wely, e fugitivo envolvi ta Nils M., kende ta sintando ocho aña di prison pa horta pinturanan di Vincent van Gogh y Frans Hals for di museonan na Laren y Leerdam.

Polis a informa cu nan a aresta un fugitivo cu ainda mester a sinta parti di su castigo di prison, pero no a menciona ningun nomber. Un vocero di polis a confirma su identidad na ANP. Ademas di e ladronia di arte, M. tambe a ser condena pa posesion ilegal di arma di candela y posesion di mas cu 10.000 pildo di MDMA.

Un vocero di Agencia Hulandes di Institucionnan di Custodia (DJI) a

splica e medio di comunicacion cu presonan cu ser traslada pa un unidad di poco seguridad ta liber pa sali durante dia como parti di nan reintegracion den sociedad.

Nan ta ser encurasha pa busca trabao, por ehempel. “P’esey ta custumber pa nan bay eynan independientemente. Si un hende ta ser asigna na un unidad asina, bo por asumi cu e riesgo ta ser evalua como abao.”

En bes di bay na januari e unidad di poco seguridad, M. a core p’e. El a ser deteni na Amsterdam diamars.

Debi na su huida, M. lo no bay mesora na e prison di seguridad abao, e vocero di DJI a bisa ANP. Su colocacion lo ser determina den futuro cercano. M. ta cla pa sali den libertad trepan den casi un aña. E huida aki tambe “lo ser tuma na cuenta” ora e decision ey ser tuma, e vocero a bisa.



Na juli 2022, corte a sentencia M. na ocho aña di prison pa horta e pintura di Vincent van Gogh The Parsonage Garden at Nuenen in Spring for di e museo Singer Laren na maart 2020 y e canvas di Hals Two Laughing Boys for di e museo Leerdam, Hofje van Mevrouw van Arouw na augustus di

e aña ey. E homber a nenga di ta envolvi.

E pintura di Van Gogh a ser recupera na 2023. E obra mundialmente famoso a sufri algun daño den e atraco. E pintura di Frans Hals, na balor di alrededor di €15 milyon, ainda ta perdi.

Publico Hulandes ta contra di e atakenan recien di Merca y Israel riba Iran

(NLTimes) - Mayoria di e ciudadanonan Hulandes ta critico di e atakenan di Merca y Israel riba Iran cu a cuminsa dia 28 di februari, segun un encuesta conduci di 6-9 di maart door di Ipsos I&O. E atakenan a mata e lider principal di Iran, Ayatollah Khamenei, hunto cu otro figuranan di e regimen. Iran a responde cu atakenan di misil den henter e region.

E encuesta di Ipsos a haya cu 75% di e encuestadonan a expresa preocupacion pa e conflicto den Medio Oriente, mas halto cu preocupacion pa e guera na Ucrania (67%) of na Gaza (57%). Mas o menos 39% di ciudadanonan Hulandes ta mira e atakenan di Merca y Israel como un desaroyo negativo, compara cu 21% cu ta mira nan como positivo.

E resto tabata neutral (25%) of insignur (15%). Afiliacion politico a influencia puntonan di bista fuertemente: sosten tabata mas halto bou di votadornan conservativo di hala drechi, particularmente esnan alinia cu SGP, JA21, y PVV, mientras cu votadornan di sikiera y progresista (GL-PvdA, PvdD, SP, D66) a opone e atakenan pa gran parti.



Criticonan di e atakenan a cita violacionnan di ley internacional, menasanan na soberania estatal, y e riesgo di mas escalacion den Medio Oriente. Hopi a expresa desconfiansa den motibonan di Merca, describiendo e atakenan como actonan di politica di poder.

E partidaronan a enfoca riba debilita e regimen represivo di Iran y rPa loke ta trata continuacion di e atakenan, 42% di e encuestadonan ta kere cu e atakenan mester stop, mientras cu 28% ta opone pa stop nan. E sosten pa stop ta

baha na 28% si e encuestadonan ser bisa cu e regimen Irani probablemente lo keda na poder si e atakenan termina.

E actitudnan Hulandes pa cu e contesta di gobierno tambe tabata critico. Entre esnan cu por a duna un opinion, 47% a desaproba e posicion di Hulanda, compara cu 23% cu a sosten’e; 29% no tabata sigur. Mayoria di e ciudadanonan critico tabata kier pa e gobierno papia mas contra Israel y Merca (37%), mientras cu un grupo mas chikito tabata prefera mas sosten pa e pais-

nan ey (13%).

E sosten pa e gobierno tabata un poco mas halto bou di votadornan di partido di coalicion pero a keda dividi. Entre e votadornan di VVD, 43% a apoya e liña di gobierno, 40% a opone esaki; Votadornan di CDA a sostene esaki na 41%, contrario di 33%; y e votadornan di D66 tabata pa gran parti critico, cu 33% na favor y 39% contra. E critica tabata mas fuerte bou di votadornan di partido iski-erda-progresista.

E conflicto di Medio Oriente

a contribui na aumento di prijs di azeta y gas. Mas o menos 36% di e encuestadonan tabata preocupa pa paga combustibel y 34% pa paga recibonan di coriente, cu preocupacion mas halto bou di casnan di entrada mas abou. Dos tercera parti (66%) a faborece independencia rapido for di azeta y gas di exterior, y 55% a sostene reanuda extraccion di gas na Groningen pa logra esaki.

E confiansa den OTAN a recupera despues di un baha na januari, cu 50% di e encuestadonan expresando “hopi” of “algun” confiansa, compara cu 40% pa Union Europeo y 39% pa gobierno Hulandes. Un mayoria (73%) a considera defensa di UE mucho dependiente di Merca, aunke 32% ta anticipa cu Merca lo sigui proteha miembronan di OTAN Europeo, for di 22% na januari.

E encuesta di I&O di Ipsos a inclui 2.132 residente Hulandes di edad 18 aña bay ariba, saca principalmente for di e Panel di Investigacion di I&O y parcialmente for di PanelClix. E resultadonan a ser evalua pa sexo, edad, region, educacion, y comportacion di votacion di eleccion parlamentario di october 2025.

Bolivia y Chile a propone mehora relacion

(Infobae) - Presidente Rodrigo Paz y Jose Antonio Kast a expresa nan boluntad pa habri un capitulo nobo den e relacion bilateral entre Bolivia y Chile, despues di casi mita siglo di distanciamiento diplomatico. Sinembargo, riba su prome dia den poder, presidente Kast a manda señal mescla: el a duna orden pa cera e frontera cu Bolivia y construi “barionan fisico” pa desanima migracion ilegal.

Despues di asumi mando di e pais, Kast a firma un serie di decreto riba varios base; un di nan tin como meta reforsa control di e frontera norte. Entre e prome decisionnan tin un instruccion politico nacional riba cera frontera y declaracion di zona militar, cu ta contempla delimitacion di e sector mas vulnerabel di e frontera cu Bolivia pa su declaracion formal como zona militar di control territorial.

Medidanan inmediato ta inclui aumento di recursonan

militar den sector critico di macrozona norte, mehoracion di vigilancia usando drone y sensor optronico, y reforsa comunicacion den area di frontera. E area geografico unda control militar lo ser reforsa ta cubri regionnan di Arica y Parinacota, Tarapaca y Antofagasta.

Den añanan reciente tabatin un aumento den migracion Boliviano informal relaciona cu demanda pa trabao temporal den agricultura, specialmente durante temporada di cosecha di fruta, y na 2025 Bolivianonan a bira e nacionalidad principal cu ta solicita pa visa di trabao.

E agenda entre ambos paisnan a ser marca pa tensionnan di frontera relaciona no solamente cu migracion ilegal, pero tambe cu contrabando y crimen organisa.

Un capitulo nobo?

Presidentenan Paz y Kast a expresa nan boluntad pa reforsa e conexcion diplomatico



entre Bolivia y Chile, paisnan cu no a tene relacion na nivel di embahador desde añanan 70, a pesar cu nan ta comparti 800 kilometer di frontera y varios asunto di interes comun.

E disputa entre ambos nacionnan ta draai rond di e reclamacion di Bolivia pa acceso soberano n’e Ocean Pacifico, perdi den un guerra cu Chile na 1884, un distanciamiento cu a profundisa den añanan reciente despues di un demanda maritimo presenta pa Bolivia na Corte di Husticia

Internacional na 2013 y e proceso legal inicia pa Chile dilanti e mesun organismo tocante awa di Silala na 2016. Cu e cambio politico na La Paz y Santiago, algun analista ta mira e posibilidad pa mehora conexcion diplomatico.

Durante campaña electoral, Kast a expresa su intencion pa reanuda relacion completo cu Bolivia “desde prome dia di gobierno” y pa priorisa integracion economico, cooperacion social y control di frontera.

Mesora, Paz — ken a asisti ceremonia di investidura di su homologo na Valparaíso ayera — a papia cu medio Chileno riba un cambio inminente den politica exterior cu Chile. “Logica ta cu nos keda na bon termino pa crece; nos nacionnan merece un relacion mas miho, un fluho economico mas miho, integracion mas miho y esey ta loke nos lo haci”, el a bisa reporteronan. Presidente Boliviano tambe a informa cu el a ofrece Chile acceso na wafnan na Brasil pa genera un linea di comunicacion entre ambos paisnan.

E prome señal concreto di e acercamento diplomatico aki tabata extension di visa mutuo pa funcionarionan publico cu ta biaha den misionnan oficial, cu lo facilita biahe y contacto directo entre autoridadnan. Sinembargo, e ceramento di frontera y construcion di barionan fisico por habri un fuente nobo di tension entre e nacionnan.

Jamaica: Habitantenan di Waltham ta haci yamado pa stop di tira sushi

(JamaicaObserver) - Luchando cu e holor malo cu ta sali for di sushi cu ta ser tura canto di e carretera, residentenan den un area di Waltham Park, St. Andrew a haci un yamado na oficialnan local pa impone castigo estricto riba esnan cu ta sigui susha nan comunidad.

Diaranson, nan a bisa e Jamaica Observer cu a pesar di e esfuersonan di e Autoridad Nacional di Maneho di Desperdicio Solido (NSWMA) pa haci limpi e area, tanto miembronan di comunidad como automobilistanan cu ta pasa ta sigui trata e camindanan como terenonan di sushi personal, loke ta revertie progreso significamente.

“E ta afecta mi pasobra ora animalnan morto ta eynan, biento ta supla e holor y e ta afecta nos. Hende ta core y tira sushi eynan, pues no ta e residentenan so. Otro hende ta bin cu sushi y tira esaki for di nan van, auto, tur cos. Tin biaha ora bo yama nan algun di nan ta grosero, of ta sigui core,” un habitante a bisa.

El a agrega cu esnan cu ta piki



sushi ta haci e area limpi regularmente, pero a señala cu e camindanan ta regresa lihe na nan estado anterior segun cu pasahero y residentenan ta sigui cu nan mal custumbernan.

E habitante a haci un yamado na compañeronan di comunidad pa haci miho den deshaci di nan sushi, y a urgi automobilistanan y otro usuarionan di caminda pa desisti di susha e area.

Un otro habitante a bisa cu e situacion ta haci bida incomodo, describiendo situacionnan den cual miembronan di comunidad ta ser tilda como “desagradabel” pa motibo di e monton di sushi.

“Tin biaha, hasta ora bo ta baha for di e taxi, otro pasaheronan ta cuminsa papia y e ta muestra malo pasobra nos ta biba eynan,” el a bisa. Su solucion pa e problema

ta simpel: Esnan cu nenga di conforma mester ser encarcela.

“E no ta hole bon. Corda cu hende tin nan luga di negoshi y hende ta biba aki tambe. E no ta muestra bon. Habitantenan mester haci miho, pero ta hende cu ta core pasa y tira sushi eynan, nos ta mira nan tur ora. Pues cualkier hende cu bo mira ta tira sushi, cera nan,” el a argumenta.

Un otro miembro di comunidad a detaya cu e sushi a atrae insecto y djacanan na e area, haciendo hasta halamento di rosea insoportabel tin biaha pa motibo di e holor. El a recomenda instalacion di camaranan pa asina por gara e perpetradornan y responsabilis nan mes bao di ley.

“E ta hopi malo — raton, cacalaca, musca, tur cos. Tin animalnan morto eynan pues e muscanan ta bini, e ta hopi malo. E ta hole stinki, mi no por ni habri mi bentana,” el a bisa.

“Nan mester pone un camara of pone algo pa esaki stop. Nan mester cera hende of algo pa esaki stop,” e habitante rabia a bisa.

Un otro habitante a bisa cu no tabata recoge sushi frecuente, pero el a señala cu hasta ora cu e colectornan kita e sushi, esaki ta regresa mes lihe.

“Residentenan por haci miho. Tur residente mester papia. Esnan di boso cu ta carga boso sushi pa susha e lugar, por fabor djis uni y haci e sushi muestra miho. Stop di montona e sushi, por fabor,” el a suplica.

Puerto Rico: Gobernador a firma amiendanan pa modifica votacion ausente y trempan



(ElNuevoDia) - Gobernador Jenniffer González Colón a firma un ley cu ta modifica e Código Electoral pa introduci un forma nobo di votacion trempan y pa haci cambionan den votacion ausente.

E Ley 39 di 2026 (Proyecto di Ley 717 di Senado) a keda aproba na Senado na november cu 19 voto na favor y nueve contra. E Camara di Representantenan a aproba un version modifica na februari cu 34 voto na favor y 17 contra, y Senado a bay di acuerdo cu e cambionan e mesun dia.

Segun e gobernador, e ley tin como meta simplifica e proceso electoral y evita aglomeracion riba dia di eleccion. “Esaki ta pa simplifica e proceso y establece claramente

con votacion trempan lo ser conduci pa personanan di 50 aña of mas. Tambe ta pa evita rij y aglomeracion riba dia di eleccion y garantisa un proceso mas eficiente,” González Colón a declara durante un transmision bibo riba rednan social.

Sinembargo, algun experto y lider politico a expresa preocupacion riba e intencion di e legislacion, sugeriendo cu e por beneficia e Partido Progresista Nobo (PNP).

E comisario electoral di Partido Democratico Popular (PPD), Ernesto González Rodríguez, a critica e medida, indicando cu e amiendanan por mina e confiansa den e sistema electoral. Segun e, Partido Progresista Nobo ta sigui aproba cambionan na e Código Electoral sin consenso cu otro partidonan.

E medida tabata skirbi di presidente di Senado Thomas Rivera Schatz, hunto cu siete co-autor di PNP. Den su version original, e proyecto a propone cu votacion trempan den persona “riba peticion” lo aplica na votadornan di 55 aña of mas. Durante e proceso legislativo, sinembargo, e limite di edad a baha na 50 aña.

Segun e ley nobo, e periodo di votacion trempan lo cuminsa no mas cu 15 dia prome cu dia di eleccion y lo termina no menos cu dos dia prome cu eleccion.

Anteriormente, e Código Electoral di 2020 a permiti votacion trempan y na cas

pa votadornan di 80 aña of mas. Durante e eleccion di 2020, un decision di corte a

baha e limite di edad pa 60 aña debi na e pandemia di COVID-19. E mesun limite a keda aplica pa e eleccion di 2024 via regulacion, aunke e comisarianan electoral no a logra un consenso formal.

Ademas di e categoria nobo di votacion trempan, Ley 39 ta ordena e Comision Estatal di Eleccion (CEE) pa establece 40 Hunta di Inscripcion Permanente (JIP) pa atende e posibel aumento di votadornan cu lo usa e metodo nobo di votacion. E Código Electoral di 2020 a reduci e cantidad di JIP na un maximo di 12 y a converti nan den oficianan regional.

E ley tambe ta inclui cambionan relaciona cu votacion ausente. E version final no a elimina e uso di post certifica,

manera tabata proponi originalmente. Den su lugar, votadornan awor por scoge si nan carchi di vota lo ser manda via post certifica of via post cu number di rastreo.

Durante audiencianan publico, partidonan minoritario a argumenta cu haci votacion via post mas flexibel por afecta e seguridad y confiabilidad di e proceso electoral y habri e porta pa fraude.

Ademas, e ley a amplia e categorianan di votadornan cu por vota ausente. Entre esnan tin miembronan di Forsanan Arma y Guardia Nacional di Puerto Rico den servicio activo, studentenan inscribi na institucionnan educativo acredita, miembronan di tripulacion di aviacion comercial y marineronan.

The Birdie
CLUB HOUSE RESTAURANT

Himno & Bandera

18 March 2026

4-course Lunch & Dinner Menu for \$56

15% OFF FOR LOCALS

For reservations please call 586-7800 ext. 231 or 242
tdsba1@iberostar.com
opentable.com/thebirdie

tierradelsol.com





\$21,000
in Cash Prizes

MARCH 1 -28, 2026

WEEKLY CASH PRIZES!

DRAWINGS EVERY SATURDAY STARTING AT 9:30PM

THE CASINO AT
THE RITZ-CARLTON
ARUBA

Rappernan ta denuncia uso di letra pa duna sentencia di morto

(AFP) - Travis Scott y un cantidad di otro artistanan ta saliendo na defensa di un homber na Texas, ken su letranan den rap a ser cita durante su sentencia pa dobel asesinato, cual a resulta den un sentencia di morto. E rappernan ta di opinion cu usa letranan pa impone castigo capital no ta constitucional.

James Broadnax tabatin 19 aña ora cu el a mata 2 hende homber durante un robo na Garland, Texas y den 2009, un hurado casi completamente di blanco a conden'e y dicidi cu e merece e castigo di morto.

Fiscalnan a introduci Broadnax su letranan di rap skirbi na man como evidencia apenas despues cu el a ricibi su condena - durante e fase di dicta sentencia - y durante deliberacion, hurado a pidi 2 biaha pa mira 40 pagina di Broadnax su letranan.

Fiscalnan a bisa cu e "tematica general" di e letranan tabata "robo, asesinato y bendemento di droga", nan a bisa e hurado cu su letranan ta com-



proba cu e ta un menasa continuo na sociedad cu lo probablemente comete mas crimen violento den futuro y hurado a dicta sentencia di morto.

Broadnax ta den schedule pa un ehe-

cucion dia 30 di april, sinembargo su abogadonan ta pidiendo Corte Supremo pone pausa y evalua su caso.

Travis su abogado, Alex Spiro a entrega un peticion na Corte Supremo

di Merca, yama SCOTUS, argumentando cu e uso di letranan di rap den Broadnax huicio tabata esencialmente un castigo contra musica rap.

E ta bisa cu "fiscalnan ta argumenta cu Mr. Broadnax tabata probable di ta peligroso den futuro simplemente pasobra e tabata participa den 'gangster rap.' Sinembargo e argumento aki ta opera funcionalmente como un castigo cu no ta constitucional basa riba contenido di musica rap como un forma di expresion."

Ekipo legal di Travis a agrega cu "na un cierto nivel di abstracto, e realidad ta hopi mas problematico: saca musica di rap fuera di contexto ta haci henter e genero suheto di persecucion."

T.I, Young Thug, Killer Mike y Fat Joe tambe a firma cartanan declarando cu no ta husto usa e letranan contra su persona.

SCOTUS te ainda mester tuma un decision.

Ray J ta acusa cu Kim and Kris a gaña bao huramentacion

(TMZ) - E rapper a conta TMZ cu Kim y Kris "a gaña completamente tocante tur cos" den nan declaracionnan ayera - yamando gaña mundo, manera e ta acusa cu nan a haci, "lo pio cu bo por haci."

Ray J ta bisa cu el a sinta den un camber cu Kris y Kim, ademas di ehecutivonan di e compania Vivid - e distribuidor di e 'sex tape' - pa yega un acuerdo. Vivid semper a mantene cu el a obtene e video for di un tercer partido. Kim y Ray J a ricibi un pago di 400.000 dollar cada un pa 3 'sex tape', Ray ta acusa, dos haci na Cabo y un na Santa Barbara.

Pa loko ta trata e video di Santa Barbara, Ray J ta bisa cu Kris a bisa nan pa graba e video y haci esaki "mas 'dirty'."

Ray J ta puntra, "Nan (Kim y Kris) ta loco? E hecho ta cu, si



bo gaña asina bao huramentacion, bo no ta bay prison? Bo

no ta haya un boet?" Ray a sigui, contando cu awo

e tin dos yiu - un yiu muhe y un yiu homber - y nan no

ta merece crece "pensando cu nan tata a haci algo manera pornografia di vengansa of causa daño na un hende a proposito."

E ta agrega cu, "esey no ta e berdad, y mi no ta bay laga e version ey sigui nan durante nan bida."

Kim y Kris a entrega un demanda contra Ray J den october, acusando su persona di difamacion. El a responde pa medio di entrega un contra demanda bisando cu nan a viola un acuerdo cu ta prohibi cualkier partido di papia di e 'sex tape.'

Ray J tambe tin sosten di su mama, Sonja Norwood, ken a subi rednan social pa defende su yiu homber diahuebs mainta.

E tin un simple pregunta pa Kris Jenner y Kim Kardashian, e ora ken a hacie?

Testigo den caso di rapper 42 Dugg no a presenta na corte



(TMZ) - Rapper 42 Dugg ta fuera di problema despues cu a acus'e di haci menasa na un muhe na Michigan segun informacion cu TMZ a ricibi.

Segun documentonan di corte, e rapper di "Grace" - ken su nomber real tabata Dion Hayes - a manda mensahe na un individuo sin nombra entre november 12 di 2024 y maart 11 den 2025 cu intencion di "terorisa, spanta, intimidar, menasa, acosa, molestia, stroba" e individuo.

Fiscalnan ta bisa cu e supuestu victima tabata na estado cu su yiu ora cu el a haci e menasanan y ta acusa cu el a manda e mensahenan cu e intencion di oblig'e aborta e embarazo. No ta cla si na final a tin e baby.

Hayes tambe ta acusa di menasa su familiarnan cu daño fisico.

El a declara su mes inocente durante tratamento di su caso den corte na januari, segun documentonan di corte. Hayes a enfrenta 6 luna y un boet di 1.000 dollar si declar'e culpable.



E musico tambe aparentemente tabatin dificultad cu cumpli e condicionnan di su liberacion cu un huicio pendiente, pa motibo cu fiscalnan a purba kita su libertad bao fianza, acusando cu el a baha den varios estado pa conciertonan - incluyendo un evento cu a marca comienso di Mardi Gras na Louisiana. Sinembargo, Hayes a bisa cu e ta "un mal comprension" y cu e tabatin permiso pa biaha pa e oportunidadnan di empleo aki.

Fiscalnan ta bisa cu esaki a sucede mientras e tabata den libertad bao fianza pa un caso federal na Georgia, cual tambe a inclui restriccionnan di biahe.

Hayes su huicio a cuminsa diahuebs pero rapidamente a clausura esaki pa motibo cu e testigo no a presenta den corte.

Su abogado, Steven Scharg, a conta TMZ cu "Mr. Hayes semper a mantene su inocencia y nos tabata prepara pa bay huicio awe mirando cu e acusacionnan aki no ta berdad."

Morrissey ta cancela concierto na Spaña

(AFP) - Strea di rock Morrissey a cancela su concierto na Valencia diahuebs pa motibo cu e ciudad su festival tradicional di pirotecnico a lag'e "catatonico" cu dificultad pa drumi.

E cantante principal cu banda Ingles di 1980, Morrissey, a baha pa dos dia via carretera pa yega su hotel na Valencia for di Milan, yegando diaranson laat segun su website oficial.

"Cualkier forma di descanso of soño durante e anochi tabata imposible pa motibo di e zonido di e festival / canto-mento techno cu alto volumen / anuncionan cu megafono," el a bisa den un declaracion.

"E experiencia aki a laga Morrissey den un estado catatonico."

Un di dos anuncio a confirma cu e "show na Valencia ta imposible a causa di falta di soño," desapuntando fanaticonan di e cantante ken su albumnan na Reino Uni ta inclui "Viva Hate" y "Vauxhall and I."

E ciudad Mediterraneo ta atrae dies miles di persona cada maart durante e festival colorido Fallas, famoso pa su arte, klapchi y e kimamento espectacular di esculturanan grandi.

En contraste, conciertonan di Morrissey ta conoci pa laga hende na caya. Segun e website especialista weheartM.com, el a kita 38 di e 84 show den schedule entre comienso di 2025 pa fin di januari 2026.

Un defensor di un dieta vegetariano, Morrissey ta pidi pa su conciertonan tuma luga



den espacionan vegetariano y tabata parti di The Smiths pa nan album den 1985 yama "Meat is Murder."

Un tempo el a baha for di escenario na e festival Coachella na California despues cu el a hole carni ta bin for di un barbecue.

Himno & Bandera Relaxation Special

Dollar = Florin

Swedish Massage 50min. Afl. 200	Couples Swedish Massage 50min. Afl. 400
--	--

This promotion is valid only for locals with a valid ID.
Use of the Wet Area is included.
Gift Certificate Available.
New Healthy Smoothie Menu Available.

FOR RESERVATIONS:
Ebaap4@iberostar.com • T: 2818700 ext.834

China ta adverti Merca cu uso militar di AI por crea un mundo tipo “Terminator”

(AFP) – China a adverti Merca diaranson cu uso excesivo di inteligencia artificial den su ehército por converti e mundo den un futuro distopico manera “Terminator”.

Administracion di presidente di Merca, Donald Trump, a busca uso incondicional di start-upnan di AI den e ehército.

E Pentagono a confirma cu sistema Grok di Elon Musk ta autorisa pa uso den un ambiente clasifica, y a pone Anthropic riba lista preto despues cu e compania a nenga di permiti pa su modelo di AI Claude ser usa pa vigilancia masivo y guerra letal autonoma.



“Decisionnan manera aplicacion sin restriccion di AI pa e ehército, uso di AI como instrumento pa viola soberania di otro nacionnan, permiti AI afecta decisionnan di guerra di manera excesivo, y duna algoritmonan poder pa determina bida y morto, no solamente ta erosiona restric-

cionnan etico y responsabilidad den guerra, sino tambe ta crea riesgo di un desaroyo tecnologico fuera di control,” vocero di ministerio di Defensa di China, Jiang Bin, a bisa diaranson.

“Un distopia cu ta ser pinta den e pelicula Mericano The Terminator por bira realidad

un dia,” el a bisa. “The Terminator”, lansa na 1984 y protagonisa pa Arnold Schwarzenegger, ta mostra un futuro apocaliptico unda robot controla pa AI ta lucha contra humanonan.

E conflicto entre e Pentagono y Anthropic a surgi poco dia prome cu e atake militar di Merca riba Iran.

Claude ta e modelo di AI mas usa pa Pentagono den categoria di “frontier AI” y e unico modelo di e tipo ey cu actualmente ta opera riba sistemanan clasifica di e Departamento di Defensa.

Anthropic a provoca rabia di hefe di Pentagono Pete Hegg-

eth despues cu e compania a insisti cu su tecnologia no mester ser usa pa vigilancia masivo ni pa sistemanan di arma letal completamente autonomo.

Trump despues a duna orden tur agencia federal pa stop tur uso di tecnologia di Anthropic.

Poco ora despues, Hegseth a designa Anthropic como un “Supply-Chain Risk to National Security” y a duna orden pa ningun contratista, proveedor of partner militar conduci actividad comercial cu Anthropic, mientras cu Pentagono mes a haya un periodo di transicion di seis luna.

NemoClaw, e proyecto nobo di Nvidia pa desafia OpenClaw ta desaroyando agentenan di AI



(Infobae) – Nvidia ta preparando e lansamento di un plataforma habri pa agentenan di inteligencia artificial (AI) yama NemoClaw, un sistema diseña pa companianan por desplega hermentnan capaz di ehecuta tareanan autonomamente pa nan empleadonan.

E proyecto, cu ainda no a ser anuncia oficialmente, ta busca pa competi cu solucionnan emergente manera OpenClaw, cu den lunanan reciente a popularisa uso di agentenan di AI capaz di completa procesonan compleho cu minimo intervencion humano.

E informacion ta bini di un reportahe publica pa Wired, cu ta cita un fuentenan familiar cu e plannan di e compania. Segun e personanan aki, Nvidia ya a cuminsa presenta e proyecto na diferente proveedornan di software empresarial cu e meta di crea aliansa

y promove desaroyo di aplicacionnan construi riba e plataforma aki.

E plan ta apunta principalmente na mercado corporativo, unda companianan cada biaha ta busca hermentnan capaz di automatiza procesonan digital y mehora productividad cu medio di inteligencia artificial.

Contactonan cu companianan di tecnologia

Segun e reportahe, Nvidia a haci contacto cu companianan manera Salesforce, Cisco, Google, Adobe y CrowdStrike pa explora posible colaboracion rond di desaroyo di NemoClaw.

Aunke existencia di acuerdonan formal no a ser confirma, e strategia lo contempla ofrece acceso tempran na e proyecto pa partnernan tecnologico interesa den construi aplicacionnan of integra nan servicio den e ecosistema

nobo.

E plataforma lo permiti companianan implementa agentenan di inteligencia artificial capaz di realisa tareanan pa nan trahadornan, automatiza procesonan cu ta rekeri varios paso of coordinacion entre diferente aplicacionnan.

Ehempelnan di uso ta inclui tareanan administrativo, manejo di informacion, interaccion cu software corporativo of ehecucion di fluho di trabao compleho.

Un sistema diseña pa ambiente corporativo

Segun e fuentenan cita den e reportahe, NemoClaw tambe lo inclui hermentnan enfoca riba seguridad y privacidad, dos factor considera clave pa companianan adopta e tipo di sistema aki.

Den ambiente corporativo, uso di agentenan di inteligencia artificial ta presenta un reto importante relaciona cu acceso na dato sensitivo, manejo di permiso y control di e accionnan cu e sistemanan por ehecuta.

Otro aspecto notable ta cu NemoClaw lo traha independiente di e hardware usa pa companianan. Esaki taifica cu organisacionnan por usa e plataforma hasta si nan sistema no ta opera riba chipnan di Nvidia, un decision cu por amplia su adopcion den mercado empresarial.

E crecimiento di agentenan di inteligencia artificial

E desaroyo di NemoClaw ta bin na un momento unda industria tecnologico ta experimentando un crecimiento rapido den campo di e asina yama agentenan di AI, tambe conoci como “claws”.

Diferente di chatbotnan tradicional, e sistemanan aki no ta limita na contesta preguntanan. Nan ta usa modelonan di lenguaje pa plania accionnan y ehecuta tareanan autonomamente.

Esaki ta permiti nan interactua cu aplicacionnan, nabega riba internet, analisa informacion of hasta skirbi codigo como parti di procesonan automatiza.

E enfoka aki ta desperta fuertemente interes den companianan cu ta busca automatiza tareanan repetitivo of mehora eficiencia den diferente departamento.

E rol di OpenClaw

Interes di Nvidia den e tipo di herment aki ta relaciona cu crecimiento di OpenClaw, un agente open source cu anteriormente tabata conoci como Clawdbot y Moltbot.

E proyecto a gana notoriedad den Silicon Valley na comienso di 2026 pa su capacidad di core riba computer personal

y completa tareanan di trabao cu poco supervision.

Mas despues, OpenAI a contrata su creador, ingeniero Austriaco Peter Steinberger, cu e meta di impulsa desaroyo di agentenan inteligente den e compania.

Sinembargo, adopcion di e sistemanan aki tambe a genera preocupacion den algun organisacionnan. Reportahenan reciente indica cu varios compania a limita uso di OpenClaw riba computer corporativo debi na riesgo di seguridad y comportamiento impredecibel.

Un posible anuncio na GTC Nvidia por presenta su enfoka pa agentenan di AI durante su conferencia anual pa desaroyadornan, e evento Nvidia GTC, cu lo tuma luga dia 16 di maart na San Jose den Merca.

E encuentro aki normalmente ta e escenario unda e compania ta anuncia hermentnan nobo di hardware y software relaciona cu su strategia di inteligencia artificial.

Si e proyecto ser confirma, NemoClaw lo representa un paso nobo den e carera pa desaroya plataforma capaz di integra agentenan di AI den trabao diario di companianan, un campo cu ta surgi como un di e siguiente gran area di competencia den industria tecnologico.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Djokovic elimina pa Draper na Indian Wells mientras Alcaraz ta sigui avansa

(AFP)—Novak Djokovic a ser elimina pa Jack Draper den un partido intenso diaranson mientras e campeón defensor a gana 4-6, 6-4, 7-6 (7/5) pa yega cuartofinal na Indian Wells.

Number uno di mundo Carlos Alcaraz a pasa cu facilidad pa e ultimo ocho di e evento Masters 1000 pa e quinta aña consecutivo y tambe tabatin victoria den dos set pa Daniil Medvedev y Cameron Norrie.

Pero Draper di Reino Uni a lucha pa yega e victoria, cansando Djokovic di 38 aña den un tercer set fuerte pa nenga e superstrea Serbia su prome regreso na cuartofinal desde cu el a gana su di cinco titulo na Indian Wells na 2016.

“Mi a drenta cancha awe anochi y mi a gana e partido cu determinacion, purbando di soluciona problema y haci mi miho cu un actitud positivo,” Draper a bisa, kende a tene e ex-number uno di mundo coriendo cu varios drop shot.

E diferencianan tabata minimo durante e prome dos setnan. E partido a cambia durante un punto epico den e prome wega di e tercer set, unda ambos hungador tabata core pa drop shot y purba alcanza lobnan prome cu Djokovic a cera e punto cu un golpi di ariba pa tuma

bentaha di 40-30.

El a cay riba cancha cansa y a bolbe keda riba su rudia despues cu Draper a gana e siguiente punto. Djokovic despues a mantene su servicio, pero el a bisa cu e punto ey a marca e diferencia den e partido.

“Un punto,” el a bisa. “Tabata bon pa gana e punto ey den e game, pero despues mi simplemente a keda sin energia.”

Draper a kibra servicio di Djokovic den e siguiente wega di servicio, pero no a logra cera e partido ora el tabata sirbi pa gana na 5-4.

E oportunidad adicional no tabata suficiente pa Djokovic, kende tabata liderando 4-3 den e tiebreak pero no a logra mantene bentaha.

“El a hunga un wega descuida pa cera e partido na 5-4, y mi a haya e publico na mi banda y mi a sinti e energia,” Djokovic a bisa. “Mi a pensa talbes mi lo gana esaki. Tabata hopi cerca.”

Draper, kende ta hunga apenas su segundo torneo despues di perde casi seis luna pa un lesion na brasa, tabata hopi contento.

“Pa drenta cancha contra Novak, pa mi e miho hungador di tennis cu tin, mi ta hopi orguyoso di mi mes,” el a bisa.



E no lo tin hopi tempo pa celebra e victoria, pasobra un cuartofinal contra Daniil Medvedev — dos biaha finalista — ta yega dialuna.

Medvedev a gana Mericano Alex Michelsen 6-2, 6-4.

Alcaraz ta briya

Alcaraz a avansa cu un victoria impresionante di 6-1, 7-6 (7/2) contra Casper Ruud, extendiendo su comienso perfecto di 2026.

Alcaraz, kende a gana e trofeo den desierto di California na 2023 y 2024, tabata imparabel den e prome set, sacando ganador for di tur angulo di cancha.

“Mi prome set, sinceramente mi ta kere cu ningun hende no por a hunga contra mi,” Alcaraz a bisa. “Mi tabata hopi contento di con mi tabata hunga na e nivel ey.”

Ruud a mehora su hunga den e segundo set, pero e por a djis hari ora Alcaraz a tuma bentaha di 5-1 den e tiebreak cu otro volley saltando, unda e Spaño finalmente a cera e partido cu un golpi ganador di backhand.

Alcaraz, di 22 aña, a bira e hungador mas hoben cu a



completa un Grand Slam di carera despues di su victoria na Australian Open.

Despues di esaki el a gana Qatar Open y cu tres victoria na Indian Wells e ta awor 15-0 den temporada.

Su siguiente rival ta Britanico Norrie, ken ta ocupa puesto

number 29, kende a gana Australiano Rinki Hijikata 6-4, 6-2.

Norrie, campeón di Indian Wells na 2021, a gana contra Alcaraz aña pasa den e segunda ronda di Paris Masters 1000.



Trekkingslijst van de Landsloterij

3de trekking																									12 maart 2026								
EEN		1961	300	4432	300	6500	300	8636	300	10862	300	12858	300	-----	17092	300	19437	500	21407	300	23337	250	25281	300	27685	300	29840	400	31989	300	34029	300	
HEDEN		1994	300	4412	125	6512	125	8637	250	10869	300	12912	125	-----	17095	300	19439	200	21410	300	23340	200	25312	125	27712	300	29876	300	31990	300	34037	250	
TWE		2009	300	4440	300	6530	300	8650	300	10912	125	12921	300	-----	17105	300	19446	300	21415	300	23342	125	25340	200	27737	250	29912	125	32001	300	34097	300	
3 300		2037	250	4437	500	6537	250	8685	300	10915	300	12931	300	-----	17112	125	19482	300	21437	1000	23437	500	25370	300	27740	200	29937	250	32012	125	34112	125	
DUIZEND		2059	300	4440	200	6540	200	8712	300	10937	250	12937	250	-----	17136	300	19491	300	21440	200	23440	200	25384	300	27766	300	29940	200	32013	125	34137	250	
TIEN		2069	300	4460	300	6563	300	8737	250	10940	200	12940	200	-----	17137	250	19510	300	21465	300	23450	300	25400	300	27812	125	29952	300	32012	125	34140	200	
TALLEN		2072	250	4470	750	6570	300	8740	200	10973	300	12953	300	-----	17140	200	19512	125	21498	300	23451	300	25412	125	27837	250	29956	300	32015	300	34198	300	
-----		2073	250	4498	300	6584	300	8769	300	10974	300	-----	17137	250	17184	300	19525	300	21512	125	23512	125	25437	500	27840	400	29984	300	32023	300	34212	125	
-----		2040	200	4503	300	6589	300	8786	300	-----	10974	300	-----	17140	200	19535	300	21537	250	23523	1000	25440	200	27865	300	32037	250	34231	300	34237	250		
16 300		2043	300	4503	300	6597	300	8812	125	-----	10974	300	-----	17140	200	19537	250	21540	200	23531	300	25469	300	27898	300	32040	200	34237	250	34237	250		
37 250		2084	300	4512	125	6605	300	8837	250	-----	10974	300	-----	17140	200	19540	200	21542	300	23537	250	25498	300	27912	125	32040	300	34240	200	34240	200		
40 200		2093	300	4523	300	6612	125	8840	400	-----	10974	300	-----	17140	200	19549	300	21572	300	23540	200	25512	125	27937	250	32042	300	34244	300	34244	300		
-----		2100	300	4524	300	6631	300	8882	300	11012	125	-----	17140	200	19575	300	21612	125	23553	300	25537	250	27940	200	32012	125	32083	300	34269	300	34269	300	
-----		2037	250	4537	250	6633	300	8912	125	11037	250	-----	17140	200	19591	300	21637	250	23563	300	25540	200	27940	200	32017	300	32086	300	34282	300	34282	300	
HONDERD		2137	250	4540	200	6637	250	8937	250	11040	200	-----	17140	200	19604	300	21640	200	23569	300	25558	300	27940	200	32017	300	32086	300	34282	300	34282	300	
TALLEN		2140	200	4588	300	6640	200	8940	200	11049	300	-----	17140	200	19607	300	21660	300	23573	300	25573	300	27940	200	32017	300	32086	300	34282	300	34282	300	
-----		2147	300	4593	300	6654	300	8940	300	11062	300	-----	17140	200	19612	125	21703	300	23581	300	25612	125	27940	200	32017	300	32086	300	34282	300	34282	300	
-----		2175	300	4602	300	6686	300	8955	300	11099	300	-----	17140	200	19629	300	21705	300	23582	300	25624	300	27940	200	32017	300	32086	300	34282	300	34282	300	
140 200		2212	125	4606	300	6712	300	8976	300	11100	300	-----	17140	200	19637	250	21712	300	23601	300	25635	300	27940	200	32017	300	32086	300	34282	300	34282	300	
151 300		2237	250	4612	125	6737	250	8978	300	11110	300	-----	17140	200	19640	200	21729	300	23612	125	25637	250	28022	300	32017	300	32086	300	34282	300	34282	300	
167 300		2240	200	4623	300	6740	200	-----	11112	125	11317	250	-----	17140	200	19655	300	21737	250	23617	300	25640	200	28037	250	32017	300	32086	300	34282	300	34282	300
173 300		2247	300	4624	300	6764	300	-----	11128	300	11317	250	-----	17140	200	19665	300	21740	200	23624	300	25701	300	28040	200	32017	300	32086	300	34282	300	34282	300
182 125		2274	300	4637	250	6768	300	-----	11137	250	11317	250	-----	17140	200	19698	300	21752	300	23637	250	25711	300	28065	300	32017	300	32086	300	34282	300	34282	300
216 300		2284	200	4640	200	6794	300	-----	11140	200	11317	250	-----	17140	200	19712	300	21776	300	23640	200	25712	300	28112	125	32017	300	32086	300	34282	300	34282	300
220 300		2312	125	4652	300	6812	125	9012	125	11212	125	-----	17140	200	19731	300	21812	125	23663	300	25730	300	28117	300	32017	300	32086	300	34282	300	34282	300	
235 300		2317	250	4658	300	6816	300	9037	250	11217	300	-----	17140	200	19737	250	21825	300	23678	300	25737	250	28127	300	32017	300	32086	300	34282	300	34282	300	
237 250		2330	300	4659	300	6830	300	9040	200	11237	250	-----	17140	200	19740	200	21837	250	23685	300	25740	200	28137	250	32017	300	32086	300	34282	300	34282	300	
240 200		2337	250	4737	250	6837	250	9065	300	11240	200	-----	17140	200	19756	300	21840	200	23712	300	25812	125	28140	200	32017	300	32086	300	34282	300	34282	300	
243 300		2340	200	4740	200	6840	400	9070	300	11264	300	-----	17140	200	19791	300	21840	300	23737	250	25813	300	28149	300	32017	300	32086	300	34282	300	34282	300	
291 300		2381	300	4772	300	6846	300	9078	300	11312	125	-----	17140	200	19792	300	21854	300	23740	200	25814	300	28162	300	32017	300	32086	300	34282	300	34282	300	
303 300		2402	300	4805	300	6863	300	9112	125	11320	300	-----	17140	200	19812	125	21881	300	23763	300	25837	250	28172	300	32017	300	32086	300	34282	300	34282	300	
312 125		2429																															

Agresor morto despues di dal vehiculo den sinagogo na Michigan

(AFP) - Un agresor no identifica a resulta morto despues di dal su pickup truck diahuebs contra un sinagogo pafo di Detroit, Michigan, y causa un candela, polis a bisa.

Guardianan di seguridad a tira contra e agresor na sinagogo Temple Israel den West Bloomfield, segun sheriff di Oakland County, Michael Bouchard a bisa reporteronan.

“El a kibra e edificio, core den e gang, y a keda ataca pa seguridad,” Bouchard a bisa. “Nos no por bisa kico a mat’e na e punto aki, pero seguridad si a ataca e sospechoso cu arma di candela.”

E sheriff a bisa cu e agresor a parce di tabata su so den e vehiculo, y cacho di polis tabata revisando e auto pa explosivo. “Ta complica pasobra tin candela,” el a bisa. “Nos ta den un abundancia di cautela, revisando e vehiculo pa IED (improvised explosive device) of cualkier explosivo.” E sheriff a bisa cu un miem-



bro di seguridad a resulta herida pa e pickup di e agresor y tabata ricibiendo tratamiento den hospital.

Por a mira huma ta sali for di e sinagogo despues di e atake, y truck di bombero tabata na e sitio.

Agentenan di ley y personal di emergencia a yega e area

cu urgencia den cantidadnan grandi tiki despues di e incidente, cu ta yega memey di tension eleva na nivel nacional tocante e guerra di Merca y Israel contra Iran.

Gobernador di Michigan, Gretchen Whitmer, a critica loke el a yama e atake “lamentable.”

“Comunidad Hudiu di Michigan lo mester por biba y practica nan fe na paz,” el a bisa. “Antisemitismo y violencia no tin lugar na Michigan.”

Secretario di Prensa di Cas Blanco, Karoline Leavitt a bisa cu a informa presidente Donald Trump tocante e

situacion.

Minister di Exterior Israeli, Gideon Saar a bisa cu e tabata “impacta pa e atake.”

“Nos ta den contacto cu comunidad Hudiu y autoridadnan local,” Saar a bisa riba X. “No mester permiti nunca pa antisemitismo hisa su cabes mahos.”

E sheriff a bisa cu agentenan di ley tabata den alerta desde comienso di e guerra di Merca y Israel contra Iran casi dos siman pasa. “Nos ta papiando pa dos siman tocante e potencial, tristemente, cu esaki lo pasa,” Bouchard a bisa. “Pues no tin falta di preparacion.

“Tur facilidad Hudiu den e area ta bay tin hopi presencia extra rond di dje te cu nos resolve esaki,” e sheriff a bisa.

Federacion Hudiu di Detroit a bisa cu agencianan Hudiu tabata den lockdown pa precaucion. “Nos ta pidi miembronan di comunidad pa keda leu di e area na e momento aki.”

Mas di 200 civil reporta morto na Sudan den atake cu drone desde 4 di maart

(AFP) - Hefe di derecho di Nacionnan Uni (UN), Volker Turk a bisa ayera cu e tabata “horrorisa” pa reportahenan cu mas di 200 civil a ser mata den atake cu drone na Sudan desde dia 4 di maart.

Den nan bataya pa teritorio, ambos banda den e conflicto na Sudan a depende riba guerra cu drone avansa, generando critica frecuente for di Nacionnan Uni y sugeriendo un rutanen saludable di suministro for di nan sostenedoran stranhero.

“Ta profundamente preocupante cu a pesar di varios recordatorio, advertencia y apelacion, partidonan den e conflicto na Sudan ta continua usando dronenan cada bes mas poderoso pa desplega arma explosivo cu impacto amplio den areanan pobla,” Turk a bisa den un declaracion.

“Mi ta renoba mi yamado pa nan cumpli completamente cu ley humanitario den nan uso di e armanan aki, particularmente e prohibicion cla contra dirigi atake contra



civil y obheto y infraestructura civil, y contra cualkier forma di atake indiscrimina.”

Desde cu el a explota na april di 2023, e conflicto entre Forasan Arma Sudanes (SAF) y e paramilitar Forsa Rapido di Sosten (RSF) a mata diesmiles y a forsa 11 miyon hende huy di nan cas.

Turk a bisa cu den West Kordofan, al menos 152 civil a

keda reporta como asesina pa un atake cu drone di SAF, incluyendo al menos 50 na momento cu a dal un mercado y un hospital dia 4 di maart den e pueblo di Muglad.

Atake contra dos mercado separa den e teritorio controla pa RSF, Abu Zabad y Wad Banda dia 7 di maart, a laga al menos 40 civil morto, segun Turk.

Un truck transportando civil

a keda ataca presuntamente pa un drone di SAF den Al-Sunut dia 10 di maart, segun reportahenan matando al menos 50 civil, el a bisa.

Pa loke ta White Nile, cu ta net oost di e region sur di Kordofan, Turk a expresa alarma pa expansion reciente di e conflicto na e estado. El a bisa cu el a cay bao atake pisa di droke di RSF desde dia 4 di maart.

Un scol secundario y un clinica di salud na pueblo Shukeiri a ser ataca dia 11 di maart, matando al menos 17 civil, el a bisa.

Varios otro drone di RSF a dal e capital estatal, Kosti desde dia 4 di maart, incluyendo un cu a dal un dormitorio di un universidad dia 9 di maart, heridando siete estudiante, el a agrega.

Otro atake cu drone a dal un transformer electrico den stacion Um Dabakir dia 10 di maart, causando interupcion di coriente ampliamente, segun e hefe di derecho di UN a bisa.

“Pronto ta bay ta tres aña completo desde cu e conflicto sin sentido a cuminsa na Sudan, devastando miyones di bida,” el a agrega. “Y toch e violencia, impulsa pa e tecnologianan nobo di guerra aki, simplemente ta sigui plama.”

“Ta ora pa e yega un fin. E pueblo Sudanes ya a sufri demasiado.”

Mundo ta drentando un ‘era scur’ di abuso, segun experto di derecho humano di UN



(AFP)—Mundo a drenta un “era scur di abuso”, cu Merca causando terror riba Iran y Venezuela, un relator special di Nacionnan Uni a bisa diahuebs.

Ben Saul, relator special di Nacionnan Uni pa promocion y proteccion di derecho humano y libertad fundamental mientras ta combati terrorismo, a bisa cu e guerra



den Medio Oriente no lo mehora seguridad global.

“Nos a drenta un era scur nobo di abuso den number

di combati terrorismo,” el a bisa durante un conferencia di prensa na Ginebra.

“Recientemente, esaki a sirbi como excuus pa agresion abierto y un imperialismo renoba contra Iran y Venezuela, causando terror, violando derecho di bida y haciendo mundo menos sigur.”

Riba 28 di februari, Merca y Israel a lansa e prome ola di atakenan den un guerra cu despues a mira Iran ataca blanconan den varios pais rond di e Golfo.

Saul a critica e Consejo di Seguridad di UN pa aproba un resolucion diaranson “cu no a condena agresion di Israel y Merca, al contrario na derecho internacional, y en bes di esaki a condena solamente e reaccion excesivo y ilegal di Iran.”

Entre otro argumentonan, presidente di Merca Donald Trump a bisa cu e guerra den Medio Oriente ta purbando di sigura cu “e patrocinador number un di terrorismo na mundo” nunca haya un arma nuclear.

“Ningun hende sa con esaki lo termina y ora nos mira e ultimo intervencionnan lidera pa Merca — Libia, Irak, Afganistan — tur esakinnan tabata un desastre,” Saul a bisa.

“Esaki ta un receta pa mas destabilisacion, posible insurgencia, fragmentacion politico den Iran, den e region; y destabilisacion di paisnan bisina door di un fluho di refugiado.”

El a agrega: “Ta hopi perturbador cu actualmente bo ta mira estadonan, den tur direccion, simpatisa cu e atak-

enan aki — no ta yama nan ilegal, of ta yama nan ilegal pero despues bisa cu nan ta apoya Merca di tur modo.”

Silencio ‘ta anima bullynan’

Relatornan special ta experto independiente nombra pa e Consejo di Derecho Humano di UN pa reporta nan descubrimentonan. Nan no ta papia oficialmente pa Nacionnan Uni mes.

Saul a bisa cu e atakenan di Iran riba su bisiñanan den e Golfo desde 28 di februari “claramente ta ilegal bao di derecho internacional,” pasobra e paisnan ey “no a comete agresion contra Iran.”

Tocante Venezuela y “declaracion di un guerra falso nobo contra narco-terrorismo,” Saul a bisa cu Merca a mata 151 civil riba lama sin proceso hudicial, algo cu “ta completamente ilegal bao di derecho internacional.”

El a bisa cu poco pais a papia contra e atakenan pasobra nan ta teme represalia di Merca.


“Pero mas comunidad internacional keda keto... mas esaki ta anima bullynan manera Merca y Israel.”

Saul ta pidi paisnan adopta urgentemente un definicion internacional di terrorismo pa protege derecho humano contra terrorismo y contra reaccionnan excesivo di estadonan.

El a bisa cu definicionnan vago y demasiado amplio a resulta den varios violacion di derecho humano, cu abuso di leyman anti-terrorismo a bira un instrumento pa suprimi criticonan.

Resultado Sorteo 12 maart 2026			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0050	2011	0840	6796
6505	2223	SUPER5	3646
5258	9172	-	1067

MERDIA	ANOCHI														
 Sorteo # 4916 4410 2356 3270  X3  Sorteo # 4916 2902  X2  Sorteo # 2972 2556  Sorteo # 4916 7854 Geminis  Sorteo # 1790 718  FP	 Sorteo # 8798 1595 0436 0926  FP  Sorteo # 7842 5448  FP  Sorteo # 2547 0077  Sorteo # 6601 5309 Libra  Sorteo # 1531 676  X3	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 7122 0 x Jackpot 76 x Match 4 1616 x Afl. 8,00	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">255.000,-</td></tr></table> <table><tr><td colspan="2">10-11-21-22-24</td></tr><tr><td colspan="2">Proximo Jackpot</td></tr><tr><td colspan="2">50.000,-</td></tr></table>	Joker	Letter	Proximo Jackpot		255.000,-		10-11-21-22-24		Proximo Jackpot		50.000,-	
Joker	Letter														
Proximo Jackpot															
255.000,-															
10-11-21-22-24															
Proximo Jackpot															
50.000,-															
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	<table><tr><td>Mega Ball</td></tr><tr><td>Proximo Jackpot</td></tr><tr><td>320.000,-</td></tr></table> Afl. 460.000,-	Mega Ball	Proximo Jackpot	320.000,-											
Mega Ball															
Proximo Jackpot															
320.000,-															
 Sorteo #	<table><tr><td>Sorteo #</td></tr><tr><td></td></tr></table>	Sorteo #													
Sorteo #															
															



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**

Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Sta. Anna : Centro Medico:
Tel. 586 8181 Tel. 584 5794

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Obisponan Polaco ta anuncia investigacion ‘independiente’ di abuso sexual di mucha

(AFP) - Polish Bishop's Conference a anuncia di ahuebs su plannan pa establece un comision “independiente” pa investiga abuso sexual di muchanan den misa catolico.

E ta bin varios aña despues di planificacion di Obisponan Polaco, ken prome a cuminsa traha riba establece e cuerpo den 2023.

“E comision mester ta creible, independiente y por traha di manera competente,” Arsobispo Wojciech Polak di Polish Bishop's Conference pa proteccion di muchanan y hobennan a comenta.

The Catholic Church na Polonia, for di hopi tempo parti di fe den Europa, den añanan reciente a ser golpia pa scandalnan di sucesion cu a causa daño severo na su imagen. Vaticano ya caba a sanciona varios obispo cu a husga como negligente.

Den 2021, Vaticano a prohibi 3 obispo Polaco for di celebra misa den publico y a ordena diocese paga un fondo pa victima pa motibo di acusacionnan di negligencia. Na Polonia, a pusha e herarkia pa publica data nunca antes mira tocante kehonan entrega contra e misa.

Den 2021 el a revela cu entre 2018 y 2020, 368 reportahe di abuso involucrando 292 pastor y religiosonan a keda tuma pa e periodo di 1958-



2020. Di nan, 173 tabata trata muchanan bao di 15 aña.

Autoridadnan civil sinembargo ta kere cu e figuranan aki ta un calculacion cu no ta representa completamente, mirando cu mayoria victima a bini dilanti cu nan acusacion decadanan despues.

Eleccion pa e comite su presidente lo tuma luga na e proximo reunion di Polish Bishops' Conference den juni.

Luna pasa, un comision investigando abuso sexual di mucha na Sosnowiec diocese na parti sur di Polonia a identifica por lo menos 50 mucha cu a sufri daño y 29 abusador sospecha, mayoria di nan clerigo.

Obisponan local den varios ocasion a fracasa den tuma accion ora cu nan a ricibi reportahe creible di abuso, el a splica. Un siman despues, e

Obispo di Tarnow Andrzej Jez a bay huicio acusa di a cubri pedofilia di e pastornan den su diocese, e prome di su caso na Polonia.

Den casonan anterior di supuesto cobertura di misa, fiscalnan a rechasa habri investigacion tocante oficialnan di misa, argumentando cu e codigo criminal no ta rekeri pa notifica polis.

Sinembargo un amienda den 2017 na e codigo a haci obligatorio pa casonan di ofensa sexual cometi contra muchanan di menos di 15 aña. “Tur esnan cu a sufri daño, of esna cu tin informacion riba e topico, lo por comunica cu e comision pa por duna nan testimonio,” Arsobispo Polak a conta reporteronan diahuebs.

“No tin categoria di persona cu lo keda exclui,” el a agrega.

Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: parcialmente nubla cu un awasero pasahero

Temperatura maximo 32 grado celsius
Temperatura minimo 26 grado celsius
Indice di calor (heat index) den y rond di oranan di merdia: 33 pa 37 grado celsius
UV index: 12

Bahada di solo : 6:50 pm
Subida di solo : 6:48 am

Biento:


Moderata te basta fuerte for di direccinanan generalmente oost;

Forsa 4 te 5 (20 te 39 km/ora, 11 te 21 nudo).
Durante di dia fuerte te duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:
E area di presion halto riba Atlantico a debilita un poco poniendo cu biento tambe a baha un poco. Mas aleu por bisa cu humedad modera ta wordo transporta cu e biento pa region local y por produci un awasero local y breve durante e periodo di pronostico aki.

Condicionnan maritimo/estado di lama:

Na partinan protegi di costa: Keto cu olanan rond di 1 pia.



Na partinan zuid protegi: trankil, 1 te 2 pia.

Na partinan zuid no protegi: trankil te modera cu olanan di 2 te 3 pia.

Na partinan oost te noordwest di costa: Generalmente modera cu olanan alrededor di 4 pa 5.

Aurora

Royal Pray

Funeral Home & Crematory

“Indeed, we belong to God, and indeed to Him we return.” — Qur’an 2:156
Baruch Dayan HaEmet.

May his memory be a blessing and a source of comfort to those who loved him.

Cu inmenso trsitesa na nos curason, nos ta anuncia fayecimento inespera di:



Drs. Joel Robert Rajnherc

Na number di su:

Esposa: Sandra Rajnherc Ramirez

Yiunan:

Cassandra Rajnherc y Joel Riven Rajnherc

Tata: † Szmul Rajnherc

Mama: † Helen Rajnherc

Rumannan:

Richard Rajnherc y Famia

Primo y primanan, demas famianan, amigo y amiganan

Mihor amigonan:

Rene Kan y famia
Javier Wolter y famia
Arnold Ketel y Famia

Famia di Instituto Medico San Nicolas (ImSan)

Famia di Miami Cancer Institute – Baptist Health

Ex-Coleganan Pediatra
Ex-Coleganan Especialista, Enfermeronan & Techniconan.
Ex-Coleganan di ASHA
Miembronan di San Nicolas Business Association

Despensa nos si den nos tristeza nos por a lubida un of otro persona

Ta invita tur famia, colega, amigo, bisinja y conocirnan na e **acto despedida & di celebracion** di Joel su bida cual lo tuma lugar diamars 17 di maart 2026.

E restonan mortal di Dr. Joel Rajnherc lo ta reposa for di 10:00 – 11:30 na Instituto Medico San Nicolas ImSan 13:00 – 16:00 na Aurora Funeral Home na Playa.

Na lugar di flor of krans un donashon pa Stichting Koningin Wilhemina Fonds lo ta altamente aprecia.

Nos ta lamenta cu despues di entierro nos no por ricibi bishita di condolencia na cas

Aurora

Royal Pray

Funeral Home & Crematory

{Esaki ta deseo nan i
instrucshon nan di Jozef
Geerman laga atras ora tabata
na bida}
“Biba trankilo”
“Boso bida ta sigi”



Cu onda pena pero conforme cu boluntad di Dios,nos ta anuncia fayecimento di:

Jozef Geerman

“Denchi”

* 19 Maart 1944 - † 07 Maart 2026

Na number di su:

Mama y Tata:

† Alexander Geerman y † Luciana Geerman-Werleman.

Mama y Tata di criansa:

† Ignacio y † Ignacia Vrolijk-Kock.

Casa: Abelina Geerman-Albertsz.

Yiu nan:

Cathalina Geerman “Cathy”
Jose Geerman “Gregory”

Ruman nan:

† Stanislaw y Blanca Geerman Azuaje y famia.
† Joaquin y † Gertruida Werleman-Henriquez y famia.
† Jose y Rubia Werleman-de Palm y famia.
† Raymundo y † Claire Geerman y famia.
† Dominico y Elvira Geerman y famia.
Maria y Sonny Delima Geerman y famia.
† Mario Geerman.
Felicia y Leoncio Kock-Geerman y famia.

Ruman nan di criansa:

† Rosalia Geerman-Vrolijk.
† Milo Vrolijk.

Suegro y Suegra:

† Circuncion y † Thomasa Albertsz-Croeze.

Mescos cu yiu:

Desiree Christiaans.
Amigo di cas: Alex Pieters.

Tur amigo y amiga nan cu ta bishita cas.
Tur mi subrino y subrina nan semper mi a stima tur mi iha nan demas famia swa y cuña nan.

Mi amigo nan di ban topa bebe coffie:

Hubert Dirksz
Beng Vrolijk
Ildo Croes
Max Hassel
Ms Bernadina
Bebe Boekhoud
Gabi Maduro
Ovito Tromp
Jain Tromp
Chiko Figaroa
Ido Kelly
Efrain Figaroa
Robert Tromp

Ex colega nan Telefoondienst y SETAR NV.

Gradicimento:

Clinica Rosas&Croes Medicina avanzada,Dr.John Croes,Lola Geerman,Fundashon Hospice Atardi,Dr. Kenneth Croes,Pastoor Jairo Maduro,Oscar Ignacio Acosta Garcia na colombia.
Carmen Josefina Pernia Gamez na colombia.

Deseo pa bin bisti color nan alegre.

Acto di entierro lo tuma lugar Diasabra 14 di maart 2026 di 2or pa 4or di atardi na Misa Inmaculada Concepcion na Santa Cruz y despues lo sali pa Santana Catolico na Santa Cruz.

Aurora

Royal Pray

Funeral Home & Crematory

Cu inmenso dolor na nos curazon, pero conforme cu boluntad di Dios, nos ta participa fayecimento di nos Mama stima:



Ana Maria Rafaël-Ras

Mihor conoci como “Mama Chichi of Chichi”

*6 juli 1932 – †7 maart 2026

Na edad di 93 aña

Na number di:

Esposo: † Julio Gregorio Rafaël

Yiunan:

Efraim “Frany” y Louise Rafaël-Croes
Roland “Lando” Rafaël
Richard “Shaty” y Zully Rafaël-Schwengle

Nieto(a)nan:

Francine, Lousette y Denise Rafaël
Rickward, Jaydrick y Zuri Rafaël

Bisnieta: Lea Thiel

Consuegro(a):

† Fein y Chida Croes-Werleman
Ronny y Zulay Schwengle-Puyosa

Bon amigonan di cas: Dake, Fingal, Paula, Kelkboom, Leon, Tromp, Hernandez, Kelly, Bremono, Nobrega, van der Hans, Maduro, Simon, Vingal.

Ayudante di cas: Nolia

Famianan: Rafaël, Ras, Croes, Schwengle, Dirksz, de Lisle, de Cuba, Geerman, Wever, van Gijn, Thiel, Falcon, Heidweller, Maduro, Luidens, Davelaar y demas famia.

Primo(a)nan, subrino(a)nan, bisñanan, amistadnan y conocirnan.

Nos disculpa si pa motibo di nos tristesa nos por a lubida algun familiar.

Acto di despedida lo tuma lugar:

Diabierna, 13 di maart 2026 for di 9:00AM – 11:00AM na Aurora Funeral Home, Cumana 76. Despues lo sali pa Santana Catolico di Santa Cruz.

Nos ta lamenta cu despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.
Salmo: 23



Nos ta anuncia fayecimento di:

Johanne Jean Louis – Damus

Cariñosamente conoci como: “Jo”

*19-10-1988 - † 10-03-2026

Acto di entierro lo wordo anuncia despues.

OLIVE TREE

FUNERAL CARE & CREMATORY

*“Señor ta mi Wardador, pues mi’n tin falta di nada; Den cunuku di yerba berde, E ta pone mi sosega. E ta hiba mi na awa trankil, pa mi bolbe haña forsa. E ta guiami den caminda drechi fiel na su nomber.”
Salmo 23*

Ta anuncia cu a bay sosega cerca Señor, nos estimado esposo, tata, welo, bisawelo, ruman y omo.



Dionisio Navas
“Nicho” of “Padu”
9 October 1944 † 9 Maart 2026

Na nomber di su **kerida esposa:**
Petra Margarita Navas Alvarado “Mango”

Su yiunan:

Diomar Jose Navas y Meritza Croes
† Dimar Antonio Navas

Nieta y nietonan:

D’Josmarie Navas y yiu
J’Honnathan Navas
Siegmar Navas
Jilmar Donata y Michaeline Vrolijk y yiu
Jeanuar Donata y Sarah Solognier
Isaira Donata

Bisanietanan:

Amalia Boekhoudt
Xyara Donata
Kasey-Jean Koolman

Mayornan:

† Jozeph “Jo” Navas
† Angelica Tromp

Rumannan:

† Marina y +Dominico Kock Navas y yiunan
Sira y Rudy Hoevertsz Navas y yiunan
† Luis Beltran Navas
Juan Navas
Francisco y † Luz Mery Navas Giraldo
Basilica “Sila” Navas y Yiunan
Hortencia Navas y yiunan
Candelaria Navas “Candy” y yiunan

Swa y cuñanan:

† Urbano y † Teolinda Bermudez Geerman
† Carmen y +Nicolaas Henriquez Bermudez
† Agido y Tomasa Bermudez
† Reina y † Nicolaas Ramirez Bermudez
† Ulbertina Alvarado
† Ana Luisa Alvarado
† Irma Alvarado
† Simplicio y Aida Alvarado Rosa
† Inocencio y Elia Margarita Alvarado

Su subrina cu tur momento tawata presente cu cariño y atencion:
Georgina Hoevertsz
Mama di su nietonan cu semper tawata tey cu atencion y cariño:
Iraiza Donata

Subrino, subrinanan, sobre subrinonan y demas famia na Hulanda, Thailandia, Canada, Venezuela y Colombia.

Demas famia:

Navas, Alvarado, Tromp, Wouter, Angela, Wever, Croes, Geerman, Boekhoudt, Kock, Hoevertsz, Flanegin, Giraldo, Lopez, Falconi, Diaz, Kerkstra, Stegengal, Wouda, Bermudez, Ramirez y Henriquez.

Nos disculpa si den nos tristeza nos por a lubida un of otro famia y conoer.
Bisiña y conoerinan, ex coleganan di Top Car Aruba, Garage Central Aruba, Caribbean Hotel Aruba, Ford Punto Fijo Motors.
Danki na tur e enfermeronan di ICU pa nan super bon atencion. Dr Roerdink, Dr Garcia (Imsan Aruba).

Acto di entierro lo ta Diasabra 14 di maart 2026, pa 9:00am - 10:30am di mainta na **Olive Tree Piedra Plat** y sigui pa un respons 10:30am-11:00am. Despues ta bay Santana Catolico na Paradera.

Nos ta lamenta cu despues di intiero nos no lo por ricibi bishita di condolencia na cas.



CONDOLENCIA



Staff y Personal di Alhambra Casino (Divisino N.V.)
ta participa fayecimento di:

Sra. Giliane Albert
Ruman di nos empleado / colega, Meliain (Milly) Loefstop

Nos mas sincero condolencia na su mayornan,
yiu nan, ruman nan y demas famia.
Hopi forsa den es momento nan dificil aki.

Cu “Giliane” sosega na Paz

Alhambra
CASINO AND SHOPS



ARUBA PORTS AUTHORITY NV
ORANJESTAD + BARCADERA

Gerencia, Staff y Personal di Aruba Ports
Authority N.V. ta extende nos sincero
condolencia y forsa na famia di

Sr. Damaso Marcelo Loefstop

* 24 September 1941 – † 10 Maart 2026



Tata di nos colega Marianella Loefstop
Suegro di nos colega Aldrick Loopstok

Cu Sr. Loefstop sosega na Paz



LIKE US ON
facebook
Facebook.com/bondianoticia

Aurora
Royal Pray
Funeral Home & Crematory

Ki alegria, ora nan a bisa mi:
"Ban cas di Señor!"
I awor, ata mi aki para na bo
porta Señor.
Salmo 122



Cu dolor na nos curason, nos
ta participa fayecimento di nos
ser stima:

Florita Thiel
Cariñosamente yama "Mama Fita"
*22-12-1936 - †08-03-2026

Na number di su:

Yiunan:
Diana y Leo Tromp
Grace y Randy van Stralen
Bernardo Geerman
John Bareño
Ivan y Yaneth Thiel
Sandra y Anthony Laclé

Nieto(a)nan:
Charline y famia
Julitza y famia
Mylene y famia
Anton
Richella y famia
Eselene y famia
Giovani y famia
Junior
Jason y famia
Jonathan y famia
Adrion y famia
Zariën

Bisanieto(a)nan:
Darin
Ashantey
Ashton, Keyton
Richinel
Eden, Edeline
Leah, Owen
Davinah, Daveon
Haileigh

Rumannan:
† Francisca Caster y famia
† Marianita Kock y famia
† Helenita Koolman y famia
† Pedrito Werleman y famia
† Rafael Thiel y famia
† Maria Caster y famia
† Hilario Thiel y famia
† Alfredo Thiel famia
† Alejandrina Gomes y famia

Sobrino y sobrina nan.
Compañeronan di Cas Marie Savaneta

Ayudante di cas: Marisela

Demas famianan: Thiel, Tromp, van Stralen, Geerman,
Bareño, Laclé, Paesch, Croes, Werleman, Caster, Koolman,
Kock, Gomes, Peña, Jansen.

Acto di condolencia y despedida lo tuma lugar na Misa
Inmaculada Concepcion na Sta Cruz diabierna 13 di maart
2026 di 2or pa 4or di atardi. Despues lo sali pa Santana
Catolico Sta Cruz.

Nos disculpa si den nos tristesa nos por a lubida algun
famia of conocir.

Despues di entierio nos no por ricibi bishita di condolencia
na cas.

Aurora
Royal Pray
Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento
di mi casa y nos Tata stima:



Harold Eric Sam
Cariñosamente yama Yoy, Omo Lol of Harry
*31-01-1959 - † 08-03-2026

Na number di su **mayornan:**
† Fai Sam y † Taya Sam Kelly

Su casa: Enrika Sam Everon

Yiunan:
Luwen Sam y Tom Ruiz
Ricky Sam
Jenricson Sam y Melisa Sam Boekhoudt
Tai Sam

Ruman nan:
† Leenchi Sam y yiu
† Seikay Sam y yiunan
Seiweng y Lourdes Sam-Gei y yiu
Marlene Sam

Consuegro y consuegra:
Alfonso y Hanneke Boekhoudt

Suegra y suegro:
† Daniel Everon y † Maria Everon Santana

Persona stima mescos cu yiu: Jayselle Geerman

Su iha: Anthony Feliciano

Cuña y swa nan, Tanta y omo nan, Subrina y subrino
nan, Prima y primo nan

Amigo nan: Gilbert, Welli y Ricky Paula

Tanta di respet: Rosa Kelly

Amigo/a di cas: Miro Jansen y Vivian Jansen Becker

Demas colega nan di trabow na Marriott y Stellaris
Casino

Demas Famianan: Sam, Everon, Kelly, Boekhoudt,
Santana, Gei, Orman, Lacle, Henriquez, Cruz, Ruiz,
Jansen, Koolman, Becker, Farro, Feliciano, Geerman,
Werleman, Infanzon, Giel y Harms.

Ta invita pa e acto di condolencia y despedida
cu lo tuma lugar diabierna dia 13 maart 2026 na
Aurora Funeral Home di 2.00 pm pa 4.00 pm.
Cremacion lo tuma lugar den seno familiar.

Despues di cremacion no ta ricibi bishita di
condolencia na cas.

Disculpa nos si den momentonan di tristesa nos por a
lubida di un famia of conocir.

Aurora
Royal Pray
Funeral Home & Crematory

If I should go tomorrow, it would never be goodbye.
For I have left my heart with you, so don't you cry.
The love that's deep within me shall reach you from the stars.
You'll feel it from the heavens, and it will heal the scars.

Cu dolor na nos curazon pero conforme cu boluntad di
Dios nos ta anuncia fayecimento di nos ser stima:



Sra. Marilyn Elizabeth Joyce Dos Ramos
Carinosamente yama "Mer"
*01-06-1954 - †08-03-2026

Su Mayornan:
† Virgilia Dos Ramos-Caldeira
† George Dos Ramos

Na number di su:
Yiu: Jason y Katherine Steigenberger

Pareha: Orlando "Indio" Kelkboom

Manera nieto y nieta:
Zoey
Kher'Dion
Khe'Diangely
Kher'Diandro
Khloe

Ruman: † Nanette Dos Ramos

Manera ruman: Anneke van der Zee

Subrina:
Diane Chin A Foeng y Kherwin Sambo
Mireille Chin A Foeng y Eldric Dijkhoff

Manera Yui: Francois Citroën

Prima cu primonan:
Brian & Carol Dos Ramos, Desmond & Elizabeth Dos
Ramos, Sandy Wiertzema, Jessica & Michael Rusynyk, Judy
& Terrance Ramlho, Joanne & Jimmy Boisierre, Ann Marie
Wood,
Ince, D'Abrue and DeNobrega, Carl DeAbrue

Demas famia: Dos Ramos, Steigenberger, Chin A Foeng,
Sambo, Dijkhoff, Kelkboom, Citroën, Van der Zee, Kock,
Wiertzema, Rusynyk, Ince, D'Abreu, DeNobrega, Boisierre,
Ramalho, Wood, Tromp, De Haseth, Oosterhuis, Arends,
Kaffener, Winklaar, Deetje, Wernet, Davelaar.

Nos Disculpa si den nos tristesa nos por a lubida di
menciona algun famia y of amistad.

**Nos ta invita tur amigo y amiganan y conosirnan y
demas famia pa e acto di condolencia y despedida** cu
lo tuma lugar diahuebs 12 maart 2026 na Aurora Funeral
Home di 7pm pa 9pm sigui pa e acto di cremacion cu lo
tuma lugar den seno familiar.

Nos deseo ta pa bin bisti na colornan alegre.

Aurora

Royal Pray

Funeral Home & Crematory

Pasobra Ami ta Señor, bo Dios, Mi ta kohe bo man tene y bisabo: 'No tene miedu, Mi ta yuda bo'.

Isaias 41:13

Cu profundo tristeza pero conforme cu boluntad di Dios nos ta anuncia fayecimento di Esposa, Mama, tanta, Ruman:



Maritza Corina Donato-Quijada
*10-06-1959 - †09-03-2026

Mayornan:

† Joseph T. Quijada
† Helena D. Quijada-Kelly

Na number di su:

Esposo: Vale Donato

Yiunan:

Omar Donato
Oscar Donato & Nairaly Albertsz

Rumannan:

† Julio N. Quijada & Marila Quijada y famia
† Joseph Thomas Jr. Quijada
Johnny Quijada & Lisette Danies y famia

Demas tanta y omo nan, sobrino y sobrina nan, sua y cuña nan, primo y prima nan, bisñanan y conocirnan

Mihor amigo(a) nan di cas: Leta Donato, Edgar y Luz v/d Berg, Casilda Kelly-Croes
Demas famianan: Quijada, Donato, Vos, Danies, Montanier, Kelly, Croes, Maduro, Tromp, Wiersma, de Cuba, Werleman, Vrolijk, Merryweather, Kock, Albertsz, Dirksz

Si den nos tristesa nos por a lubida un of otro familiar, nos ta pidi disculpa pa cu esaki.

Ta invita pa asisiti na e acto di condolencia y despedida cu ta tuma lugar diabierna 13 di maart 2026 di 6or pa 9or di anochi na Aurora Funeral Home.

Acto di cremacion lo tuma lugar den seno familiar

Enbes di flor of krans, lo tin un box di donacion disponibel pa Wilhelmina Kanker Fonds.

Nos disculpa, pero no ta ricibi bishita di condolencia na cas

Aurora

Royal Pray

Funeral Home & Crematory

*Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.*

Autor: Cado Wever.

A Fayece:



Sra. Porfiria Monegro
*26-07-1940 - †25-02-2026

Na number di su:

Yiunan:

† Juana Monegro
Confesor Monegro
Maxima Monegro
† Rafaela Teresa

Nieta(o)nan:

Julio Monegro, Joel Miguel, Angel, Melanie
Lisbeth y Lisaul
Judelly Porfiria, Yiselle y Argenis

Rumanan:

† Candido Monegro
† Librada Monegro
† Andres Monegro
Pura Monegro
† Socio Monegro
† Cristina Monegro
† Manchado Monegro
Federico Monegro
Adelita Monegro

Inmensamente agradecido di Eliaquin, Dennis, Prudencia, Juan Gomez

Bisñanan: Yudelka, Bielma, Chichi

Ta invita pa acto di condolencia y despedida cual lo tuma lugar na Pray Funeral Home na San Nicolas, diasabra 14 di maart 2026 di 2or pa 4or di atardi.

Cremacion lo tuma lugar despues.



Aurora

Royal Pray

Funeral Home & Crematory

*"Esnan cu a kere den Cristo
prome cu nan a muri, lo lanta for
di morto prome.*

*Anto despues Dios lo alsa
nos cu ta na bida ainda riba e
nubianan, hunto cu
esnan cu a muri caba pa bay
encontra cu Señor den laria. Y
asina nos lo ta
pa semper hunto cu Señor".*



Tesalonisensenan 4:16-18

Cu onda pena pero conforme cu boluntad di Dios, nos ta anuncia fayecimento di:

Francisco Damian
mihor conoci como "Chico"
*29-01-1942 - †11-03-2026

Na number di su:

Yiu: Graciela Damian

Rumannan:

† Eugenio (Nene) Damian y † Angelica Damian-Jacobs
† Feliciano (Teechi) Damian y Juliana Damian-Boezem

Señora Mariela Garcia Pinzón

Mama di su yiu: † Antonia Maria Maduro

Sobrino- y sobrinanan, primo- y primanan, actoprino- y actoprimeranan, swa y cuñanan, ihanan, demas famia, amigo-, bisña- y conocirnan.

Acto di entierro lo tuma lugar diasabra 14 di maart 2026 di 9or pa 11or di mainta na Misa Inmaculada Concepcion na Santa Cruz y despues lo sali pa Santana Catolico na Santa Cruz.

Nos disculpa si a lubida di menciona algun famia.

Nos ta lamenta cu despues di entierro no por ricibi bishita di condolencia na cas.

Aurora

Royal Pray

Funeral Home & Crematory

*"Mi no a muri.
Ta p'esey mi no a bisa ayo.
Mi a djis habri mi halanan y
bula bai keiro.
Boso a keda atras.
No laga tristeza domina boso.
Keda uni un cu otro pa mi
alma, esey lo ta un alegría.
Recordami cu hopi amor."*



Cu dolor na nos curazon, nos ta anuncia fayecimento di nos Casa, Ruman, Tanta y Amiga stima cu a fayece na Spaña:

Lilian Maria Saladin
Cariñosamente yama:
Mary of tia Mary
*07-08-1949 - †09-03-2026

Acto di cremacion lo tuma lugar na Spaña.

Acto di despedida lo wordo anuncia despues.

Embahador di Merca na Santiago a papia riba kabel submarino entre Chile y China

(Infobae) - Embahador di Merca na Chile, Brandon Judd, a pone fin na controversia riba e kabel submarino di fibra optica cu tabata busca pa conecta Chile y China, un iniciativa cu gobierno Mericano a mira cu sospecha pa su implicacionnan strategico y geopolitico.

Judd, ken e diaranson aki a asisti e inauguracion di Jose Antonio Kast den Congreso Nacional di Chile, a bisa prensa despues di e ceremonia cu “e kabel Chines ya a caba. Mi no ta kere cu lo continua, pero nos lo mira. Chile por scoge loke e kier haci, pero e punto ta cu si Chile kier ta socio di nos, y si nos kier ta socio di Chile, nos mester siña loke ta miho pa ambos pais”.

Durante su comentario, e tambe a expresa gratitud pa e presidente nobo, indicando cu relacion bilateral awor “ta hopi bon. Pero no importa ken ta presidente, nos lo traha cu ken pueblo Chileno ta eligi. Awor nos tin un persona cu ta hopi humilde, pero fuerte”.

Segun e diplomaat, Kast “semper ta pensa riba loke ta miho pa pueblo y ora nos traha cu hende asina, cosnan normalmente ta bay bon. E kier loke ta miho pa Chile”, e representante Mericano a conclui.

Decision den man di Kast

Ta importante pa recorda cu e proyecto di e compania China Mobile International (CMI) a causa e Departamento di Estado Mericano

pa revoca visa di tres funcionario di gobierno di Gabriel Boric cu a participa den su tramite, cual a desata un conflicto diplomatico unda Judd hasta a cuestiona continuidad di e programa Visa Waiver Program, y a pone ruptura di relacion entre Boric y Kast memey di acusacionnan mutuo di desconfiansa.

Di parti di e administracion saliente, nan a afirma cu presidente Boric tabata esun cu a dicidi suspende e proyecto despues di ricibi un mensahe di alerta di embahador Mericano, cu a reuni cu minister di Transporte y Telecomunicacion, Juan Carlos Muñoz — un di esnan di ken su visa a ser revoca — den un reunion describi como “tenso”.

Finalmente, Boric a mantene via un publicacion riba



su cuenta di X, poco dia prome cu entrega poder, cu e proyecto Chile-China Express (EEC) ainda ta den proceso di “evaluacion” y el

a sigura cu su aprobacion lo depende di e administracion entrante di Jose Antonio Kast.

Brasil ta existi TikTok splica videonan cu ta muestra violencia contra muher


(AFP)—Gobierno di Brasil diamars a existi un splicacion di TikTok tocante loke e compania a haci pa detecta y kita contenido misogino despues cu videonan cu ta simula atake riba muher a bira viral.

E videonan, cu a circula ampliamente riba Dia Internacional di Muher riba 8 di maart, ta muestra hombernan bati y hinca mannequinnan brutalmente cu ta representa figura di hende muher como reaccion na rechazo romantico.

E contenido ta inclui frasenan manera “entrenamento si acaso e bisa no.”

Ministerio di Husticia a manda un notificacion oficial na TikTok dunando e plataforma di red social cinco dia pa splica con su sistema di moderacion y algoritmo di recomendacion ta traha, y si cuentanan cu a comparti e publicacionnan ofensivo a ricibi algun compensacion financiero.

Den un declaracion na AFP, TikTok a bisa cu e publicacionnan cuestionabel ya a ser kita for di e plataforma y cu e equipo ta trahando pa identifica mas infraccion.



E ministerio a bisa cu obligacionnan di e plataforma ta bay mas aya cu solamente kita e contenido, señalando un veredicto reciente di Corte Supremo di Brasil cu a determina cu rednan social ta enfrenta responsabilidad civil ora nan hospeda contenido cu ta constitui crimen contra muher.

Polis ta investigando por lo menos cuatro cuenta responsable pa e contenido, cual a bira un tendencia bao di hashtag “si acaso e bisa no.”

Brasil a registra 1.518 asesinato di muher na 2025, e cantidad mas halto den e decada desde cu feminicidio a bira un crimen, segun datonan oficial.

JOIA

BY IBEROSTAR

ROOFTOP BAR

ZIMA

ST. PATRICK'S

DAY SPECIAL

MARCH 17

ST. PATRICK'S BURGER

7 oz USDA Angus beef, beer-onion marmalade, Swiss cheese, smoked bacon, lettuce, green aioli, fries. Including 2 Tap Beers

\$30

15% OFF FOR LOCALS

RESERVATIONS TROUGH OPENTABLE.COM